

泉州府志

第二十一册

卷之四十三

泉州府志卷之四十三

人物列傳

明列傳五

俞大猷

趙恒

王時儉

王春復

劉存德

黃養蒙

洪朝選

史朝賓

林一新

張冕

莊應禎

莊朝賓

附錄

張峯

郭文煥

傅夏器

李慎

朱一龍

陳道基

薛天華

俞大猷字志輔號虛江晉江人泉州衛百戶敏之裔少好讀書受易於王宣得蔡清之傳又聞趙建郁以易推行兵家奇正虛實之權復從受業謂兵法數起五猶人身有五體雖百萬眾可使合爲一人也父歿棄諸生嗣世職百戶學騎射輒命中從李良欽學劍蓋得其術舉嘉

靖乙未武會試第五人除千戶守禦金門軍民囂訟難  
治大猷導以禮讓訟爲衰止海寇頻發上書監司論其  
事監司怒曰小校安得上書杖之奪其職尚書毛伯溫  
征安南復上書陳方畧請從軍伯溫奇之會兵罷不果  
用俺答入山西詔天下舉武勇士御史上其名兵部會  
伯溫爲尚書遂之宣大總督翟鵬所召見論兵事大猷  
陳安邊長久之計屢折鵬鵬謝曰吾不當以武人待子  
下堂禮之驚一軍然亦不能用辭歸授汀漳守備作讀  
易軒與諸生爲文會而日教武士擊劍連破海賊康老



俘斬三百餘人擢廣東都司僉書平新興陽春恩平陽  
江嗣賊譚元清等朱執巡視福建薦爲備倭都指揮會  
安南都統使莫福海卒子宏灝幼莫正中與莫敬典爭  
立互殺正中敗挈殘卒來歸其黨范子儀遁海東至是  
妄言宏灝死迎正中歸立剽掠欽廉諸州廣督歐陽必  
進奏畱大猷討賊大猷馳至解廉州圍賊犯欽州大猷  
戰數日生擒子儀弟子流斬首千二百級檄莫宏灝殺  
子儀函首來獻事平嚴嵩扣其功不敘時瓊州黎那燕  
構感恩昌化諸黎共反卽以大猷爲崖州叅將會廣西

副將沈希儀諸軍擒斬賊五千三百有奇招降者三千  
七曹大猷言於必進曰黎亦人也率數年一反一征豈  
上天生人意宜建城設市用漢法雜治之必進納其言  
大猷乃單騎入關與黎定要約海南遠安三十一年倭  
賊大擾浙東移大猷寧台諸郡叅將請用閩中樓船攻  
賊總督王忬從之時王直勾倭據烈港大猷發兵擊之  
與戰于寧波紹興松陽復遣諸海新獲四千溺者不可  
勝計自是不敢犯坐失事倭倭未幾遠賊海中焚其船  
五十餘千倭船故賊據寧波普陀等處火城等三百

人坐戴罪辦賊俄匪賊吳松所謀除請罪仍資銀幣賊  
自健跳所入掠大猷連戰破之旋代湯克寬爲蘇松副  
總兵擊賊於平望又戰於六金垣皆大捷斬首二千級  
已而賊犯金山大猷所將卒不二百人戰失利倭屯松  
江柘林大猷從總督經大破賊於王江涇功爲趙文  
華樹宗憲所擢不敘坐金山失律謫充爲事官繼而新  
倭三十餘艘突青村所與南沙小烏口浪港諸賊合犯  
蘇州陸涇壩直抵葑門敗南京都督楊千德兵賊復分  
而爲二北掠濟墅南掠橫塘延蔓常熟江陰無錫之次

出入太湖大猷偕副使任環大敗賊于陸涇壩焚舟三十餘又遮擊其自三丈浦出海者沈七艘賊乃退泊三板沙頃之他倭犯吳江大猷及環又邀破之于鶯脰湖賊走嘉興三板沙掠民舟將遁大猷追擊於馬蹟山擒其魁金涇許浦白茆港賊俱出海大猷追擊於茶山焚五舟擊壞及覆者無數賊退登陸已復泛舟出海大猷及僉事董邦政分擊獲九舟賊屢敗趙文華等大軍巡撫曹邦輔劾大猷縱賊帝怒奪其世廕責取死罪招立功自贖大猷偕副使王崇古入洋追賊焚呂鑑人斬獲

無數廷臣爭言大猷才遠罷總兵官劉繼以太猷代還  
敗賊于西庵沈莊清水窪黃浦詔還世廢以與平徐濬  
功加都督僉事時舟山賊積歲不下大猷佯爲不戰乘  
大雪密遣裨將張四維縱火襲之斬賊一百四十賊死  
戰殺土官一人諸軍益競進焚其柵賊殫殆盡加署都  
督同知明年總督胡宗憲圖汪直用羅輝言將與通市  
太猷力爭不可及誘直下吏其黨據舟山太猷環攻之  
甯小勝然苦仰攻將士先登多死新倭入龍泉門傳賊  
五十二戰小姑澳斬首一千二百餘人船隻悉焚棄大

猷乃奪大猷及參將陳繼光職賊自柯梅泛海流劫閩  
廣宗憲利其去陰縱之不督諸將邀擊比爲御史李湖  
所劾則委罪大猷縱賊以自解帝怒逮繫詔獄再奪世  
廕陸炳與大猷善密以已資投嚴世蕃解其獄大學士  
徐階亦屢爲保持令立功塞上大同巡撫李文進習其  
才與籌軍事乃造獨輪車拒敵馬嘗以車百輛步騎三  
千大挫敵安銀堡文進上其制於朝遂置兵車營京營  
有兵車自此始也先論平汪直功許除罪錄用及是鎮  
守有警川湖總督黃光昇薦大猷卽用爲鎮守參將破

雲溪賊巢三郡六縣妖逆次第削平饒平劇盜張璉數  
攻陷城邑積年不能平詔移大猷南贛合閩廣兵討之  
時宗憲兼制江西知璉遠出檄大猷急擊大猷謂宜以  
潛師搗其巢攻其必救乃疾引萬五千人登柏嵩嶺俯  
瞰賊巢璉果還救大猷連破之斬首千二百餘級用間  
誘璉出執之并執賊魁蕭雪峯廣人攘其功大猷不與  
較散餘黨二萬不戮一人擢副總兵協守南贛汀漳惠  
潮諸郡繼乘勝征徭鄉盜走梁寧擒徐東洲斬黃積山  
賊平請置平遠縣于五嶺間尋擢福建總兵官巡撫游

震得請以大猷控制閩廣江湖數道命未下其冬倭陷  
興化明年大猷與劉顯戚繼光滅之徒鎮南贛改廣東  
潮州倭二萬與大盜吳平相犄角而諸峒賊藍松三伍  
端葉丹樓等日掠惠潮閒閩則程紹祿亂延平梁道輝  
擾汀州大猷以威名攝羣盜單騎入程紹祿營督使歸  
峒他將與賊戰失利以俞家軍至恐之賊卽遁時峒寇  
伍端被擒乞殺倭自効官軍繼之克其巢賊大潰乃移  
師潮州以次降松三丹樓使招降吳平居之梅嶺吳平  
旋復叛去遁保南海大猷與繼光將水陸兵夾擊大破



之平僅以身免而部將楊克寬李超等躡賊後連戰不利平遂掠民舟出海大猷坐奪職總督吳桂芳留大猷討河源翁源賊李亞元等徵兵十萬分五哨進大猷使閒攜賊黨而親搗其巢生擒亞元俘斬一萬四百奪遺男婦八萬餘人乃還大猷職以爲廣西總兵官子平蠻將軍印擒伍端餘孽王世橋進署都督同知海賊曾一本犯廣州尋犯福建大猷合郭成李錫軍擒滅之錄功進右都督廣西古田獮黃朝猛韋銀豹等嘉靖末嘗再劫會城庫殺叅將黎民表大猷以都督同知佩征蠻將

軍印徵兵十四萬分七道進討連破數十巢賊保潮水  
巢極巖攻十餘日未下大猷佯分兵擊馬浪賊而密令  
叅將王世科乘雨夜登山設伏黎明諸軍攀援上賊盡  
死馬浪諸巢相繼下斬獲八千四百有奇擒朝猛銀豹  
百年積寇盡除進世廕爲指揮僉事大猷爲將嫌馭下  
有恩數建大功威名震南服而巡按李良臣劾其奸貪  
兵部力持之詔還籍候調起南京右府僉書未任以都  
督僉事爲福建總兵官海寇突入烽火寨坐失利奪職  
復以署都督僉事起後府僉書領軍管訓練三疏乞歸

卒賜祭葬贈左都督諡武襄大猷負奇節以古賢豪自  
期其用兵先計後戰不貪近功忠誠許國老而彌篤所  
在有 大勳武平崖饒平皆爲祠祀譚綸嘗與書曰節制  
精明公不如綸信賞必罰公不如戚精悍馳騁公不如  
劉然此皆小知而公則堪大受戚謂戚繼光劉謂劉顯  
又薦于朝以爲吉甫方叔趙充國郭子儀之流亞也大  
猷與繼光均爲名將果毅不如而操行過之其論兵多  
參用儒家言李杜序其書謂其學莫非兵而論兵莫非  
易云著有劍經正氣堂集洗海近事兵法發微子容集

福建總兵官

明史舊志江南浙江通志西江志

閩書

合纂

趙恒字志貞號特峯晉江人瑞孫警穎負奇十三充弟子  
員弱冠試高等受餼謂胡氏春秋闡素王心法功令標  
以錄士而末學穿求崖穴繁掇枝條如捕風射影奮然  
以推明經術爲已任務在揭康侯之精探宣聖之奧名  
春秋錄疑嘉靖甲午薦鄉試第五尋丁外艱讀書武夷  
山中建州士多就問業戊戌成進士恒夙患瘧疾然据  
事嘗吻響答弗爽乞就教職得教授袁州督學使者試  
其文大駭服延於白鹿洞集諸郡儒父而師之遷國子

監丞尋改南南中辟雍士請所著錄疑梓之一時紙貴  
焉居二載遷南戶部江西司主事復遷工部員外尋進  
南戶部雲南司郎中是時承平久四方漕餉率重北而  
輕南歲押運一二縣簿領之所積負以百萬計恒謂留  
都根本地瘠庾虛竭何以應猝請之司農陳儒疏部運  
之規令諸省分漕以郡佐總漕以藩司各詣部庭稽覈  
如輦下例疏上得請咸寧有窆運寄國改而輸折色力  
卻之曰如成憲何將楚中空運盡如咸寧耶請本折互  
濟視盈詘爲調劑自是積逋悉償數十萬儲蓄溢於內

府司農喜曰趙正郎經濟才也有籍雲南冒京戍者圖  
詐索於其間左之同姓乞借後湖軍冊核之桓白儒曰  
尺籍伍符相傳日久奚待核始知耶此奸徒欲挾部文  
恣啗嗚耳屢移文不問大司馬憤甚儒笑曰趙正郎必  
自有見已果有計其奸狀於六部者司馬爲之愧屈桓  
居郎署聲籍甚卒以鯁介無援遷浙江鹽運司同知木  
幾擢守姚安聽訟明決曲直莫能逃姚故濞夷俗狂淫  
僻恒爲定婚娶之禮土酋翁然郡介大理楚雄雲南之  
交諸採辦鑄造賫運旁午恒請中丞臺閉巖石嚴白者

鑄銅之禁中丞偉其議行之雲貴兩地卒伍閭閻並獲  
息肩歲苦旱蝗素食步禱未旋署而雨驅蝗去大得豐  
收居九月乞養歸士民攀轅載道已生祠之名宦坐居  
敷門覃思著述秉燭讀書其文一以歐陽文忠爲宗醇  
然先正典刑也年九十四卒所著有莊子涉筆史記涉  
筆與錄疑並行于世其忠愛堂稿經濟錄抄及文集若  
干卷藏于家子日新日榮日崇孫世典世徵世效俱見

選舉志

舊志

王時儉字本節號賓竹晉江人嘉靖戊子舉人戊戌進士

授刑部主事歷員外郎中練習憲典亭疑奏讞傳以古  
誼爰書手定不假椽吏多依寬平冢宰四明聞公時爲  
大司寇有詔獄必先委之訊奏上輒報可奉命恤刑江  
北連郡數十獄繁者千章細者案証數百入無痛繩出  
無漏網所矜全百餘家人尸祝之有卞姓坐死罪廉其  
冤出之密懷三千金致謝境外時儉怒曰吾爲國愛法  
爲民愛命豈鬻獄耶責而卻之竣役回不發私書不受  
問遺錦衣衛指揮某犯法訶譴之謝中玉以宰相子坐  
罪權貴代爲開脫時儉曰法可勢奪乎竟奏之然不爲



深文巧詆峻法行威冬月置鼎自和椒湯以飲囚多賴  
全活信州柄國欲引置銓司謝不就分宜握樞于世蕃  
故相知避匿不與通刺嚴銜之同舍郎盧公星野弗狗  
銓曹私託爲蜚語所中覺而白之出爲雲南叅議民夷  
雜處鎮以寬靜苗時出剽掠上司陰爲耳目移兵剿之  
夔遂弭會直祭沐黔國藩諸司故以朝服拜堂下時儉  
曰彼亦臣子安得事以君禮具公裳登堂成禮而退衆  
皆歎服諸道兵備缺兼署數篆不勞而理海口水溢良  
田二百餘頃下令鳩工築堤親董其役堤成世爲利

指揮某以賄梗鹽侵漁日久卻其遺置之法完積逋萬  
八千有奇釐弊除蠹有條代者用以爲式在滇十年兩  
奏最績不調以嚴相子故也時儉曰吾故倦遊奈何夜  
行不休遂解組歸單車南行百姓遮道抵家宦囊蕭然  
不問產業爲人恬淡簡易孝友性植祿入悉付其弟不  
歸私筭同田而食同室而居日集親朋怡然自老郡邑  
長多枉干旄不敢造請也

採景  
壁集

王春復字學業晉江人嘉靖戊子鄉薦戊戌進士初令泰  
和贊學於縣整廢學南齊二公廣輯益遠爲治持大

體不虧解簿書期會查糧弊造徵總關戶給之清飛詭  
虛米三百餘石置縣郭裁陶金和溪二驛事治民安歷  
南工部主事戶部員外郎中出守贛州益簡靜不擾丙  
辰大水乘筏極湖所活甚衆會有大木之役條上區畫  
費視他府爲省流賊覘督木官橐貨肆出石城會昌寢  
逼零都執二指揮春復提兵出郭結營四十里外懼以  
先聲民聞守至皆來集賊聞氣沮釋二指揮遁去贛下  
流諸郡卒保無事擢儀南副使備兵金騰駐永昌慈惠  
廉介不修邊幅時與諸生講學尤極建軍創設義倉飢

民賴以有濟舊時民多私入于崖隴川南甸三夷地牟  
利激怨春復嚴禁之民夷以安黔國世鎮滇中誣民受  
支屬土田遣家奴迫脅民莫誰何春復申牒深切諭以  
利害黔國愧悔戢家奴毋敢譁參知廣右駐賓州出繫  
囚編保甲立獐市期民賴以安年餘病卒而貴州總憲  
之命下矣春復持重老成言如不出口臨事設議則侃  
侃擘畫然諾不苟和煦可親恥設道學之名遇有講者  
與剖析微義開關啓鑰聞者皆誦所著有四書周易疑

畧自爲序

舊志參西江志吉安縣  
州府志與前志

劉存德字奎仁號沂東同安人嘉靖丁酉戊戌聯第進士

初授行人持節冊祭益府嗣王雅善修飭自稱勿齋氏

存德因宴爲陳四勿之旨嗣王前席罷宴曰昔菑川論

三仁今大行陳四勿足相方矣贈滿百金爲治裝亦直

百一無所受獨拜持篆書四幅歸旣報命居二載選浙

江道御史會有獻四親廟圖說請祀孝廟者抗疏力諍

世宗震怒擲疏竟以理不可奪得降俸時亢旱章報下

震雷大雨如注京師水二尺歡聲動地羣稱劉御史一

言回二天云視兩淮艦籍羨儲十萬請賑貧民得報可

兩淮賴之按應天潘少宰故存德所舉主其子弟殺人

匿不出十年存德既至而其子弟就逮視其獄不可生

竟論抵爲書以謝潘出守松江時苦旱六載逋賦至二

百餘萬特設叅政督之存德拊循安卹請使者寬期以

俟秋成是歲大穰使者欲盡征及額存德又請分三載

其後浹歲大熟遂補積逋什之五六值倭寇逼境近邑

男婦奔郡城監司恐奸細欲嚴盤詰存德力爭謂稍緩

則男婦悉遭擄矣奉使便道歸省丁外艱服除卽家起

知南康府病未赴歲餘稍遷浙江按察副使檄攝嘉湖

諸軍不三日斬倭首百三十級上功匿不以聞調廣東  
海道兼諸番市船務以船利歸藩司提兵援潮陽諭降  
劇寇許朝光等八千餘人朝光斷臂誓不復叛以功見  
嫉被中歸與弟中分產而推其腴事繼母湯藥親嘗爲  
宗人治產授室喪葬婚娶以次及母妻二族所識貧乏  
待以舉火者數十家種秫釀酒座客常滿善大書工古  
文詞其史評制義博士家宗焉隆慶丁卯修志其議論  
皆闢邑與後多採之病亟自輓有易簣從教華且院布

衿止辨正和斜之句卒年七十一著有結鬻堂

卷行世子夢松夢潮皆進士

同安志象江南通志歐陽八山撰誌

黃養蒙字存一號小竹南安人僉事澄子儀觀甚偉爲諸生時徐文貞階以延平節推來泉一見器賞嘉靖甲午舉人辛丑魁禮部第二人成進士泉士取高第自養蒙始授遂昌令寬厚誠懇均徭役計產多寡配差重輕役書成於手中胥吏無所與民大稱便部使者頒行屬邑著爲令首興學校見學前湫隘鑿隙地爲外泮浚官溝以通活水甯生廉孺給冠以時徵殺每厚恤之獎勤警惰較績與起視百姓如子訟者諭之以理兩造輸服未



嘗輕用敲朴公事下鄉優禮者老使訓飭子弟變化風俗毋停車不忍去雖造次無疾言遽色人擬其量爲劉寬在任六載一塵不染嘗與諸生講藝檳榔山邑人因名曰黃山擢吏部稽勳司主事歷考功郎計吏之歲日多居曹中杜私謁秉公持正當調選郎力求外徙遷南太常少卿轉光祿卿奔父喪家居久之起舊官遷南戶部侍郎言官論其太驟而朝旨被留轉北戶部屢請乞休徐階方執政挽之不能止竟引疾歸邑故無城嘉靖戊午倭寇大掠燬廬舍令長夏汝礪主議建城繼令甘

宮議濟萬石陂養蒙皆力贊之利及萬世養蒙器度過  
人處高能降歷宦有聲卒之日泉士大夫稱其純厚道

古人之風簡重得大臣之體

舊志參閻書南  
安志括蒼彙紀

洪朝選字汝尹

一作字  
舜臣

號芳洲更號靜庵同安人嘉靖丁

酉舉人辛丑進士除南京戶部主事出權北新關抽貨

算緡度歲課幾何盈額而止津梁不閉任船上下事竣

督放倉儲諸有規畫後人引以爲法一日思所學

非古人學優則仕之意上疏引疾客毘陵僧舍與惠公

順之講德間業一年始歸又就王公愼申上下議論久

之充然有得起爲南吏部郎出督學西蜀端士習正交  
體持法秉公人想望其風采遷廣東參政調山西歲大  
殿寇盜充斥多方撫輯殪其元兇破其黨與晉人頌之  
朝選不爲嚴相嵩所善而徐文貞階深與之嚴敗遂以  
山西參政名入爲太僕少卿尋進僉都御史提督操江  
疏論盜所由起與所以止盜之方鑿鑿可行西都以靖  
旋進副都御史巡撫山東禔躬以道馭下以法疏陳養  
民課吏之政甚詳他議驛遞防河皆爲經久計檄所司  
清差重役繁之弊隨地編差因糧制役巨戶無所規避

藩府官校奪民田禁革之悉歸民齊魯肅然隆慶戊辰  
入爲刑部侍郎伸直臣沈鍊儒臣閻樸竄而正廵撫楊  
順於理徐文貞階去位張屠正秉樞遼王憲薊獄起居  
正以私憾欲以謀反置之死地除其國屬朝選往勘命  
方下居正來謁坐定曰貴處傳應嘉謀反今敕省遼王  
謀反朝選默然出門又曰聞遼王差人入京行賄朝選  
曰果爾當題奏乃疏奏凡楚人入京皆盤詰沿途差兵  
護送勘事官員及至襄陽撫按道府已勘成招副使施  
篤臣抱贖請書名朝選曰未提審一人徒據現案成招

何須命我公等自成之可也數日施復來見曰遼王府  
申暨招兵旂反形已露朝選曰果反則我爲興師討罪  
之大臣不然則勘事之大臣使人往覘之報曰兵圍遼  
府三匝信息不通王聞法司到無由訴暨旂府內書仲  
寬二字終日跪伏旂下候命朝選曰此臣子待罪禮也  
匹夫犯重辟求訴問官尚當審確招詳况親王乎古人  
有焚梁獄詞者奈何媚權貴傷國家親親意置其事不  
問亡何施篤臣又請云大人招要改便改必欲捉人案  
覆審三年亦招不成朝選見羅織已定不得已應曰除

去謀反二字其淫虐貪暴則依前招遂以遼王照戴檢  
典瑛事例送發高牆除其國母王氏妃給田十頃屋一  
座養贍終身奏入居正猶以爲左心惡之一時法司同  
往勘者俱論罷朝選辨本有權臣主使之言居正忿益  
甚遂以大計劾罷歸會御史劉畏所疏論居正指摘及  
施篤臣朝選曰令我聽指使誣以反獄疏及我矣居正  
聞益恚謂朝選不死且與劉犄角我也又當居正奪情  
時進士鄒元標翰林吳中行疏列其不孝狀削籍遠戍  
朝選曾移書壯之稱其文章節義爲居正所跡憾益深

不可解於是密使私人授旨於閩中諸當事或起之田  
閒或陷以大位或懼以顯禍冀結其歡而速其謀有知  
其寃不肯從者有身受其薦不忍從者朝選性剛介不  
能容人過失里中不平事徇激言之有宦家子摸捏朝  
選手板撫有司短長言於當道朝選不知也時左布政  
勞堪以支放邊戍月餉搭新鑄錢失軍心巡撫耿定向  
檄止之語頗侵堪適耿招朝選講學每咨以時政堪疑  
朝選實中之耿以憂去勞代之遂希居正意乘是藉快  
已憤陰遣邑令金枝日夜捆撫其無情事以報勞得之

大喜以聞於朝居正從中擬旨削籍逮訊堪得密報遂  
馳戎卒逮朝選下梟獄不二日斃之獄中且謂朝選在  
用中得回生藥暴尸四五日不得出尸虫至出戶朝選  
居官廉潔以名節自砥礪生平有學行政事之稱致身  
卿貳而家故貧嘗有詩云負郭元無半頃腴山田新買  
百升餘里人莫笑清貧甚欲學周黃恐不如林居十年  
許一且嬰奇禍以死士大夫無不扼腕冤之者于疏訟  
冤闕下居正矯旨杖八十仍奪蔭其夏居正暴卒都陳  
李廷儀條其冤狀朝議堪回籍繼奪職甲申覲再訟父



寃有旨下堪獄成定海未幾詔復朝選官兢補蔭如故  
一時阿堪意鍛獄及造謗者俱相繼竄逐朝論猶以堪  
不正典刑未快人心云朝選善爲文所作大有氣岸類

其人著有芳洲摘稿歸田稿續歸田稿

舊志叅閱書同  
安志詞林人物

考景  
壁集

史朝實字應之號觀吾晉江人嘉靖辛卯鄉薦第二人丁  
未會試第七成進士授刑部主事擢員外郎署司篆  
晝夜講析律令爰書傳以古義曹中稱平同舍郎每就  
咨請焉適兵部郎楊繼盛論嚴嵩納賄竊國十大罪事

奸被杖百下司寇獄卿貳以下不知所出人人惴恐時  
部尚書何鰲爲嵩門下士侍郎王學益其肺腑親嵩囑  
旦夕死之爲快嵩子世蕃復令其黨李世榮密語朝賓  
必得楊甘心卽與美擢朝賓正色曰有律在何可枉也  
寧失官無失律及司寇等議朝賓言繼盛無罪比以奏  
事不實律鰲曰更有一比盍思之朝賓曰吾析律微矣  
諍臣無可律者律如是足矣有之則且減於此乎何不  
能詘乃自比其律曰傳此庶得當朝賓力持不可至泣  
下獄數日未上鰲曰事急矣雷霆不測如君執夫國與

俱靡也蓋俟後解王學益曠目曰司官徇名子老矣惟  
知生上意耳何必司空城旦書爲於是當以詐傳親王  
令旨擬較自爲藁強令署名朝賓度不可奈何乃署奏  
末云楊繼盛語雖註誤心實無他惟復憫其狂愚謫發  
遠戍庶幾全好生之德奏入高怒甚楊竟坐大辟朝賓  
憐三級外調判泰州祇勤職業絕無遷客態量移揚州  
遷南京戶部以艱歸服闋補工部郎分署張秋鎮通商  
惠民矚然不滓約束諸關津俱有法嘗謂民生利害之  
端非有惻怛忠誠之心不能瞻察吾身利害之端非有

正直剛毅之守不能鎮定蓋自道其素也及嵩賊徐所  
為相乃以河南僉事擢尚寶少卿尋丞南京大理復徙  
應天府丞晉鴻臚寺卿卒穆宗朝詔賜諡祭朝賓中外  
所至廉能著聲居常言訥訥至臨事決大利害屹然山  
立不移方西曹獄時雷霆之下委曲匡救其不獲全  
諫臣之生者天也然其初志與射牛批鱗者埒矣既歿  
宦橐蕭然居數椽不蔽風雨所著有觀吾集史氏內範

舊志系雲臺  
藏藁景壁集

林一新字震起晉江人即中性之子嘉靖丁酉舉人丁未

進士授戶部主事管通州天津倉成寧侯仇鸞提大兵  
拒北恃功自尊重諸部郎督餉多中以禍一新戒期約  
諸分屬者以某日會餉某所其身從閒道趣督餉如時  
至竟不見鸞而歸鸞反亟稱之大司農以此益賢重焉  
轉員外郎旋陞江西僉事至則豐城堤決爲設法修築  
官無濫費民亦忘勞稱爲林公堤嚴嵩家僮有犯杖擊  
之及入賀見蒿飯之且謝曰微公孰爲我正家法者尋  
雲南參議通東川土官爲梗開府用兵與直指有鄰一  
新右開府以言面觸直指直指遂糾論開府併誣及之

後會官勘問事得白坐降一級家居凡七年起湖廣僉  
事晉貴州叅議江西副使一新雖偃蹇宦途而意氣挺  
然不挫不屑藉援權貴人以忤上官論調歸居四年調  
雲南已乃晉叅政擢右布政皆在滇蜀循格遞遷不離  
遼遠之地自右轄奔母喪歸服除赴闕相張居正其同  
年也素無通問至京惟逐隊上謁不詣私室陳費居正  
惡其遠已也於是給事中陳某論一新年老致仕歸歸  
而蕭然宅一區田數畝皆先世所遺歿後子孫幾不能  
具饘粥人謂林氏以清白吏世其家云

舊志叅  
闕書

張冕字莊甫號惺吾晉江人旺孫元璽姪爲諸生時讀張岳所作一峯書院記推本不欲不爲謂得其本心歎曰此正學也嘉靖庚子領鄉薦念父老所給坊金悉以治具不就試丁未登進士授烏程知縣躬履清素銳意節省通覈縣糧分爲十二段以供十二月之役白糧夏稅二役等區產而均之請託不行胥吏不能輕重其手值倭寇旁郡冕高築城垣召集民兵分技習之訓練既久兵氣百倍遂敗賊于桑阿林鶯脰湖已復扼賊烏鎮而擒斬其出掠者賊不敢犯諸將帥恃以益強且讓功焉

坐爲權貴忌嫉遷桂林同知時宗藩暴橫殺僕國賴冕  
力折之襄陽朔糧額清詭沒以復舊全州差徭吏承冒  
籍者數百役歸貧民嚴裁均之梧州倉額五萬輸自東  
粵兩省難稽奸徒藉此爲市冕廉得之酌所侵久近論  
其罪劇賊張璉焚劫廣東朝廷以冕故在烏程有偉畧  
權廣東兵備僉事至不三月連緝潮陽惠來二酋而平  
其巢總督張臬檄冕兼督二哨攻璉冕首破其丁坑營  
璉竟以敗癸亥倭圍潮陽冕引兵入城謹備之晝飭部  
伍夜嚴更柝賊百方攻城城中斷糧應之所當無不推



折閱三月有奸人謀應賊按實立刃之賊旋遁去潮陽  
人謂百里生靈藉冕全活云擢湖廣叅議前權貴抑冕  
者共引潮陽時斬殺事以擠冕遂落職知化州粵西寇  
犯州城練兵戒備堅不可入寇遁去城壘低缺悉爲增  
修後經倭患卒藉無虞廣西寇變復自化州薦用撫夷  
使事駐節桂林初至則按責巡鄉指揮數輩曩日失守  
獻郡城故有敵壘備以望樓而徒窩舖以便巡守築石  
闕以護居民警備甚嚴立營壘分信地明賞罰嚴衛軍  
伍之類以武職之重身爲廢後遷丁壯編甲授藝

令關自爲守而時自抽閱兵備以肅終任桂林不復有  
賊警遷本省叅議分巡右江弭盜安民方有成法遽報  
罷冕筮仕二十餘年視權門若兔視污吏若仇所至治  
民詰盜茂著勞能考功注冕考一介不取百折不回司  
空劉麟每遺冕書必稱孝廉至目爲鐵漢徐相階語人  
曰張冕執法稜稜民畏而愛之士大夫畏而惡之盜賊  
畏而避之家居尋常足不涉公門遇地方災眚必白所  
司先時泉壘遭倭患米價踴甚冕在嶺東勸諭商民航  
穀抵泉里人賴以全濟共豎碑通衢記之城南清濠齋

冕嘗講約其地鄉人塑像祀之

舊志參廣東廣西通志閩書景壁集

莊應禎字希周惠安霞會人嘉靖丁酉舉人丁未進士授  
紹興推官丁艱起補袁州府推官部使者計吏讞獄率  
咨決焉陞刑部主事轉尚寶司丞世廟雅好詞章一日  
偕入西苑閣臣屬進大德得天頌稱旨名動一時出爲  
廣西叅議有賊吏置金蔬甌中覺亟還之曰吾保釐茲  
土不汝汙也平久年冤獄定買縣五山諸徭陞湖廣驛  
傳副使會景王薨國屬內徙處置供億鉅萬繕條郵政  
八議璫校無譁改備兵漢黃俘捕江賊漢表以清斬世

子橫用法痛繩其下世子所免不可歷廣西叅政備兵  
蒼梧捐修廨宇訪覆靖藩奏許之獄陞按察使廣東右  
布政清出納嚴侵冒當山海弗靖之會循而撫之民不  
知兵堂吏進庫羨籍貯焉以蜚語投絃歸禎孝友天植  
享兄如父撫姪如子捐建先祠築畱公陂殫力爲之惠  
邑竈籍歲輸官課有司議額外增編下戶苦不支洵洵  
告急爲力請得免部檄取北鎮布屬兵燹杆柚久空機  
戶惶怖亦爲請命得無徵鄉人祀之學宮並勒石紀德  
焉所著有芝園摘稿孫毓慶進士

閩書叅惠安  
志敬日草

莊朝賓字于觀號瓊泉惠安人嘉靖辛卯舉人丁未進士  
授南京工部主事督龍江水木場及蘆州稅監提舉造  
船監修內庫軍器所至剔奸蠹嚴課程廉明敏幹卓然  
有聲尋以郎中出知瑞州府吏事精明決獄仁恕徵科  
有法積逋日完當道稱其一塵不染百廢具興民謠曰  
錦江水清見底我公清亦如此陞廣西按察副使分部  
右江駐劄賓州去州一舍爲賊巢加以淶里諸賊遠爲  
聲援時出剽掠朝賓至議戍守事宜次第行之又以八  
寨賊鴟張已久有備無患則可一大創之料諸州兵惟

東嶺爲強而土官韋起雲者沈勇可任卽屬以兵復以  
恩恩九司巡檢分鎮焉八寨聽令惟謹廣賊張璉平以  
督發有功受銀幣之賜在鎮三年夷人呼爲莊菩薩陞  
貴州左叅政以事忤巡撫調改廣西廣西自古田劇僧  
韋銀豹劫庫之後地方靡寧朝賓區畫城守酌置屯戍  
所部晏然乞致仕歸屢空如寒士其卒也妻與訣取筆  
力疾書曰囊無一文知我惟天經紀喪事惟恭人之叙  
細但恭人之後不知何以處之所著有筠陽巾笥二集  
丁自申序之曰先生以意爲古文辭而不以辭爲古文

辭自西京而下其屬詞不必同自眉山而下其命意不

能到誠爲知言

舊志叅閩書  
西江西通志惠安志

廣

張峯字維直號養齋惠安人慎子岳弟嘉靖己酉庚戌聯

進士初授吉安推官正直忠厚讞獄多平反有先朝諫

臣黃子忠子坐誣當辟爲白寃狀釋之守令缺並攝兩

篆日三歷政皆就理案無畱牘尚書蔡經調狼兵勦倭

鄭勞不愜意輒譁下令肅之遂巡受賞其主將瓦夫人

徒跪稽首謝而去吉與袁擣嚴黨蟠結繩以法不少假

奏最爲嚴嵩父子所抑轉戶部主事管太倉繼主易州

邊餉皆肅清無染軍儲充裕會廷遣給事行邊當路授  
旨中之給事至無得瑕疵勸謝當路峯曰入錢買官非  
伯氏訓導調兵部武選主事轉車駕員外郎籌邊選將  
皆中窾陞四川僉事備兵川北振刷吏治墨者望風解  
綬保寧綾名天下機戶苦徵索挈家逃徙峯嚴禁之卽  
直指不曲狗中丞陳某需綾已發使聞禁歎曰張君義  
正豈以其上官撓之亟追還蜀道崎嶇上官絡繹守令  
日從間道候謁不遑給輿馬胥役外復有歌童樂器悉  
取里甲費不支一切革之飭州縣毋遠迎送臺使者聞



而避之爲減騶從撫按交薦而吉水羅念菴慕其名投  
詩爲贊有儀文畧盡尉傳蕭然之句俄戶部修前郟者  
乘改兵時中以他故遂左遷去民攀轅臥轍機戶戴德  
釀綾四百疋爲裝峯曰豈其陽扞城而陰潤橐是市我  
也悉卻之有書生投詩車中頌遺愛不言姓名而去保  
寧立碑累累誌去思焉補海州同知纂修州志詢悉民  
苦賦爲緩征督賦使者責慢期歎曰國急唐租州存楚  
戶卽盡亡將焉賦乎又併里圖計實戶裁冗費實政井  
井尚書朱衡知其才徵董河役積成轉紹興通判歲餘

解組歸築別墅城東與諸耆英雅歌劇談郡邑長及部  
使者莫覲其面峯博涉經史羣書至老手不釋卷年七  
十一卒所著有古文全集六十餘卷古文典選六十餘

卷全詩彙抄三十卷孫遴舉人曾孫鏘鏞俱進士

閩書  
參楊

文恪文集惠安  
志淮安府志

郭文煥字仲實晉江人從學於蔡清嘉靖己酉歲貢授高  
安訓導卒于官文煥自少究心理學四書易經太極圖  
通書正蒙俱有註釋閒或發虛齋所未發讀史別出論  
斷四書學庸口義成於林次崖存疑未出之前議論多

有脗合者所著有課程切問濼人蔡鶴峯烈聘居西塾  
刻而傳之僉憲項歐東喬構閩中士子才敏學充不爲  
不多獨臬士郭某是非不謬於聖人而王遵巖讀其文  
喜曰義理絕明經學精到不惟進於理而兼於文讀之  
忘食至於家人報食數四不覺也

闕書

傅夏器字廷璜南安人居錦田世稱錦泉先生讀書精專  
足不窺園弱冠已破萬卷年二十三登嘉靖辛卯第六  
名亞魁屢躋春官益奮發自樹立置囊儿下每作文撫  
而納之歲終獲滿其屬筆不作細響卓然自信雖與時

相左不改易少專易學既登賢書沈酣六籍百家者二  
十年嘉靖庚戌會試第一人闈文海內傳誦都下稱從  
來會元所未有時嚴氏柄國銜策中權臣重臣等語然  
雅慕其名欲羅之門下夏器循例往謁值在沐令其子  
接見延引之夏器不爲動亦不復投刺坐是擠不與及  
第比觀刑部政諸僚長多爲延譽嚴笑曰殆亦樸實頭  
人耳授儀制主政日惟積累朝故實本署職掌叅酌時  
事期於可行癸丑提調會闈事竣其座師歐陽南野歎  
曰不意君精經術顧精世務也轉光祿寺丞時方修大

官庖慮有缺適輪直竇正卿議以他人代夏器固辭已而事治辦人稱通才丁二艱歸服闋補稽勳郎中每有薦舉不令人知曰無以公道市私恩考功郎申燧正直人也每稱其藻鑑精明腸腑忠厚有大事題覆多取決焉會欲去某甲子政府私人也由是憾申申適以憂去遂文致論夏器罷歸隱於故山課家僮耕耘夏雨秋雲陶然自足接引後進時爲披衷道古自言其學從憤悱中得又戒人喫緊在立身大節切勿隨聲襲响依人門戶至不可收轉蓋其素所樹立者然也穆宗時朝中多

欲疏起之微使人示意夏器曰我向尚弗求援今見棄  
已久寧能搖尾借資前後中丞直指相繼式廬默然應  
之晚築別業巖野種蒔百菓四時佳景華實閒偕弟昆  
數輩藜杖追翫備極天倫樂事族屬千指終其身無有  
聞訟至公庭者何鏡山論明初至嘉靖首南宮者五人  
曰吳郡正於質毘陵澤於理海虞醇於氣太倉相公贍  
於才而錦泉沈理醲麗蒼然鬱然尤陶鑄於六經而型  
範乎羣儒論者不能易其言古文淵奧沈變自成一家  
而大指歸於經世勵俗雖率爾應酬必衷焉詩詞原本

性情深厚悱惻有三百篇遺意不以聲響競工吳下

周宿來張吳東數公得其集皆珍之夏器高文盛藻衣被藝林峻節清風砥礪頽俗人咸以不得及第陟清班爲憾然魏科盛名已蔚爲世宗家居二十餘載卒年八十六手植荔支人愛惜之稱錦荔焉所著有錦泉

文集

閩書叅黃九石撰傳

李慎字克念惠安人湖廣憲副愷之弟嘉靖庚戌進士授南京戶部主事權稅于杭不盡利以惠商歷轉郎中出知瓊州府推誠待民而尤加意人材陞廣西副使却土

官饒女將莫氏知署中獨居獻三少女拒不納遷遼東苑馬寺卿條邊宜八事一招流氓二實營伍三墾荒田四修屯政五均繇役六繕墩堡七甦郵傳八練兵器院使交薦賜厚恩誥贈父祖如其官曾有憾者遂解組歸慎以春秋起家每病學者棄經任傳棄傳任意乃著麟經律解臨海秦氏太倉王氏皆以春秋專門咸推尊之慎在瓊州海濤中覆船其書與先後著作俱飄沒海中

年七十一卒

惠安志

朱一龍字于田惠安人少愛學於張岳其先有隨母嫁鄭

泉州府志

卷之四十三

列傳

辛



者遂以鄭姓一龍亦以鄭舉嘉靖庚子舉人庚戌進士  
臨歿始囑其子復故姓授溧陽知縣置學租以贍寒士  
百廢具興累薦治行第一遷南京刑部主事序遷員外  
郎中出爲廣西撫夷僉事值古田不靖作撫夷通論曰  
嚴緝事別蠻情禁招主誅賊腳謹巡哨明賞罰防寇有  
時勦賊有引著之施行會徭徃夜出剽掠一龍與總兵  
王尚文晝筴鳩剿復增營堡申號令醜裔竄伏疆境以  
謐遷廣東左叅議時柘林叛兵突薄會城下藩臬官分  
門守禦拒避賊者不納一龍守小南門曰賊近而啓扇

以待示強民急而開門以納示仁閉之何爲傳令大開  
門日入男婦以萬計諸芻粟雞豚自村來者悉入毋禁  
以此存活數萬遷按察副使丁艱歸隆慶元年復除廣  
西分部右江值廷遣使者搜帑金抗議半畱以濟絀乏  
竟從所議右江自張襄惠岳破巢後久不言兵及茲繁  
嘯張獠一龍申約束嚴禁科派儉安騷擾賣放通夷諸  
弊條上督府張瀚言遷江之東歐來賓之北三北四北  
五柳城之上油宜山之清潭都亮賓州之淶里非草薶  
禽獮之不足靖民今惟有次征鵬勦二策大征正師也

兵多而費多，鵬勦疾師也。兵少而費少，舍堅攻瑕以孤黨與，遠交近攻以絕嚮導，顧當機貴密，應變在速。請得便宜從事，許之。乃密召將領分兵四出，因巢爲食，以所獲充犒賞，不齎斗糧。不糜官帑，獲首級八百有奇。自是諸蠻震驚，復遵約束。督府張瀚大喜，露布闕下，詔資金陞俸。隆慶四年，詔廣西亟剿古田賊，督府李遷巡撫殷正茂咸倚重。一龍一龍督二哨，擒獲二千五百餘，捷聞。加級資金，轉陝西苑馬卿。丁內艱，服除，赴選。前督府張瀚適爲冢宰，曰：朱公粵西功高，屈遷久矣。第如例補遼。

東居亡何遷江西左叅政以直忤巡撫被劾歸卜築別墅邑大夫扁曰城里東山朝夕徜徉焉一龍志行高聳磊落方正平生不肯濡足權門迴翔浮沈然宦跡所至皆祀名宦著有一統輿圖廣畧駁歷餘稿遊海夢談詩

餘類編

舊志叅閩書廣西通志惠安志

陳道基字以中號我度同安人徙晉江嘉靖己酉庚戌聯第進士授浙江嘉善知縣廉約明恕吏民畏懷以卓異徵聞母訃奔歸復除雲南道監察御史巡按廣西時邊徼諸吏類多闕茸下車按其尤無良者墨吏望風解綬

去行部詢民疾苦銳爲興革尤加意造士復按廣東柘  
林兵叛流劫會省城門盡閉商民數千萬委堞下道基  
嚴兵陳郊坐城鄂納入之振飭風稜郡邑應聲凜雪諸  
所措注咸足貽方來畫一以積望擢太僕寺少卿尋移  
南鴻臚卿爲讒者所中出爲四川副使遷廣西叅政拊  
循益力屬邑告變察其故能措克令扶捍尉各一人諸  
巢遂戢城西南河流舊故橫溢爲築橫橋而東之與灘  
江會公私交賴再遷浙江按察使趙拜南京都察院右  
僉都御史掃督揀江卽歲改應天巡撫時高拱復相修

徐階宿憾意莫道基外調時徐階尸之必釋快意於階  
藉手爲釋憾地而道基禮階益恭吳中巨室爲猾少持  
無寧曰道基檄下所司諸告密株連者置勿問深陽吏  
氏有奴誣主者下奴獄論死自是告訐之風頓息吳中  
人權若更生言官吳某復耨柄臣微指詆摘其短即日  
解組行歸遭外艱請禮鍵戶廷議用宿望起勉撫順天  
閩部伍除戎器覈募府市租爲饗士費拂大帥憲嚴相  
居正以歸葬故往還良涿閒督臣躬迂道左道基獨臨  
邊自如遷南大理寺卿進南戶部右侍郎總督種麟等

以工部左侍郎召入督陵工遷南刑部尚書有孝廉與  
序班鬪都市前司寇奏當得旨矣吳歛二相力爲地道  
基持不動於是言官復疏其短再疏乞歸竟得請遣某  
長身玉立廣頰豐顙性抗挺自負一中讒弋再被謗嘗  
不以其故少貶嘗曰我道固是耳家居數門寡接人弗  
敢以私干而編篤故舊崇長厚旣爲列剏見鄉先達沒  
巡隅坐其接後進必與鈞禮歷宦不構家室不置妾媵  
晚歲復廢一室左圖右史布衾麻屨蕭然然素喜教星  
命堪輿多奇中年七十五卒撫棺以問于朝賜祭葬

參閱書

廣東

廣西通志同安志

薛天華字君恪晉江人嘉靖丁酉舉于鄉三上春官不第  
厭爲舉子業所治經術務究大原讀大學獨信孔穎達  
古本讀易玩先天諸圖讀春秋四傳常以己意推尋當  
日事不專求合註疏庚戌成進士授南刑部主事每讞  
比必細察直枉主以哀矜暇則閉戶讀書滿考詣京師  
適楊忠愍繼盛以論權相死天華招楊豫孫董傳策朱  
天球哭之死所捐路金爲具殯殮聞者義之有四君子  
之稱竟以此取黜延七載餘始得守重慶重慶當彫瘵

泉州府志

卷之四十三 明列傳

七



後民多流移爲申兩院蠲一年稅以復諸逃亡者天全  
六番招討使死長子楊時譽應襲次子時舉謀奪之勒  
兵相攻撫按檄委處分時舉陰遣人投重賂天華械致  
前行呼時舉爲陳國法倫序逆順禍福時舉叩首服六  
番帖然晉雲南提督副使滇故遐僻爲闡明正學每月  
詣五華書院者三與諸生相辨釋仍撮誠意大旨作五  
言歌示之士爭自濯磨其文體亦率尚古雅遷浙江叅  
政晉廣東按察使凜然持風裁興寧令有貪酷聲廉得  
其狀逮之獄當道者爲之解執議如初舉卓異晉本省

右布政使適巨寇充斥與左方伯熊汝達夙夜規畫調  
翰師餉惟期撫按以奏捷上其功賜鐵幣方移文丐歸  
無何以疾卒時已轉左使矣所著有明善齋經疑居官  
疏議誠意解又有居鄉左戒居官右箴二篇于應鍾令

桂平

舊志叅閩書  
清源文獻

明列傳六

史朝宜

許宗鑑

許天琦

郭良

沈亨

黃襄

泉州府志

卷之四十三

明列傳

七

莊國禎

林喬相

陳邦顏

詹仰庇

李逢期

何炯

陳敦履

復

史朝宜字直之號硯齋又號方齋晉江人朝賓從弟力學博瞻以能古文著聲黌序中嘉靖丁酉舉人癸丑進士出宰山陽邑劇且疲田土多荒而賦額廣朝宜躬自節約每秋冬輒借官帑遺糴江南湖北開一石之費代輸民二石歲減賦數萬他日巡撫陳備問歲朝宜曰數備

曰斗米四分胡云歎朝宜曰此商米也農則不登無金  
易米儒薦之第一時司空趙文華以倭亂出視師海上  
獵貽郡邑比過淮祇常供不乏而已趙恚甚旣廉知其  
爲苦節吏置之邑人語曰雖有大猛虎不啖小山羊蓋  
借羊言陽也秩滿陞南戶部主事抵家母歿服闋補戶  
部主事轉員外郎中戶部有監倉督稅諸分署率以資  
敘差廼竟歲月不言敘敘亦不及惟日檢覈諸章奏參  
度其機宜條爲令行之大司徒高耀器之甚遇事必咨  
焉是時東粵亦中倭珠厓孤懸海島守臣連以賄去朝

論思得廉能守則推擇朝宜守瓊州比至痛反舊弊要束一新瓊故有生熟岐黎諸峒租食其中每守至輒先以珍奇爲餌稍益中遂肆爲跳梁則嚴杜絕之夷人信服有史沙井之稱沙井者瓊最冽井也復申行保伍以戢民盜興起禮教暮年政治三年擢按察副使卽治兵其地流倭入瓊人情恆怯持議在戰撫之間朝宜決意吞賊蒐軍實飭部伍屢遣將弁並親自督師迎擊之寇大剝去乃巡行灣嶼白沙諸寨以遏奔突倭遂不敢犯擢浙江叅政釐正飛洒扣隱之弊革不急橫征勸伯利

世延留連省會持有司爲權利下牒武林郵戢之劉得  
牒夜去尋擢廣東按察使東粵之民素服其威信不怒  
而嚴爲治務持大體平反諸獄必慎必詳懲墨去貪不  
輕假貸擢湖廣右布政時值大計猶以按察使入覲銓  
部首列之卓異錫鏹予宴至楚不數月引疾乞休朝宜  
爲人孝友而性踔發持守復深堅狀貌不踰中人清勁  
之氣著于眉睫閱歷仕路二十四年骯髒直道故自號  
方齋以見志所著有易說及詩文子繼偕哀輯傳之凡  
十二卷而朝宜之弟朝富亦自永州府引疾歸鄉人以

比漢二疏焉

舊志叅雲臺藏  
棠廣東通志

許宗鎰字應衡號定齋晉江人嘉靖己酉舉人癸丑進士授浦江令以才調仁和浦人詣闕留之不得時倭寇充斥將驕卒悍主師催督至於呵斥州縣凌迫胥吏獨仁和平制義楷式之戊午入闈得士五人後皆成進士制府薦之曰文章堪爲學憲材力足任邊疆人謂知言四載遷南工部主事權蕪湖稅祛冗役剔苛網權政一清轉戶部員外陞郎中尋遷夔州守操持清介政尚德化興

學校課諸生建社學取家禮纂爲宜民禮要勒石學宮  
以變陋俗大修郡城易以石址民病江汲火患爲浚武  
功留潤二井濬舊池七處自翟家平侯家灣引水會於  
張公井於是民汲便火患息聽理者朝至暮歸爰書出  
入多所平反全活二十餘命囹圄幾空入覲不攜一錢  
縣令有手二葛謂出自毋杼者竟卻之以清廉爲二千  
石冠溫旨褒嘉賜宴權廣東按察副使備兵南韶大小  
羅山峒寇以萬計地界粵西楚南出沒爲害增屯戍謹  
關隘而通鹽米以撫結之大廟山寇黃顯祖強梗不悛



請閩贛二省兵會征當征大廟寇時廣巡撫檄移其兵  
攻他寇宗鑑以功垂成固執不遣爲所銜已遷太僕卿  
坐論謫貴州叅議尋遷雲南副使備兵臨安獫狁獯豸  
諸夷自漢來不通風教專事剽掠舊設戍兵十哨哨皆  
有田年久湮耗宗鑑設法清復且耕且守獫賊遂不敢  
出巢兵火之後一意與民休息辨冤獄禁刁訟置學田  
鑿元湖以洩水患築河堤以蓄灌溉撫饑民以銷夷黨  
歲旱步禱甘霖立應十民鑄石以紀治績遷浙江叅政  
性方不能詭隨瓦合未幾罷歸里居數年率門人趙司

寇參魯稱其意無不通才無不宜非獨廉也廉而循而能者也家居蕭疎澹泊逕有淵明之風室無澹臺之迹蓋非溢辭云祀四川名宦

舊志參景壁集雲南四川通志

許天琦字大正號賜山晉江人先世唐進士許稷讀書清源山中扁其巖曰賜恩天琦之號本此餽德化庠歸本籍嘉靖壬子舉人壬戌進士授行人奉使三藩風裁凜然丁內艱起補原官滿考擢工科右給事中巡視庫廠中貴窟穴不可問天琦搜剔齷齪閒有釐革徐與寬譬不桷鑿力爭中貴欣然聽從有某子甲遺鄉嫗持八百

金爲壽正色叱去矢不復通自是門絕暮金會元夕詔  
爲鰲山燈市費不下四十萬力贊其長疏止之疏出天  
琦手卒報罷公卿趨之又疏海防四事刑名弊源六事  
具報可轉刑科有兩廣總督墨而恣疏劾去之先是在  
行人時有某相予告推爲典護天琦曰吾不能執受也  
相銜之及相再召被劾者乘是修郤陰擠之出爲廣東  
叅議備兵惠州時惠賊猖獗人謂必由贛抵粵方保無  
虞天琦曰官其地而先爲避奚以覘險夷虛實甦民疾  
苦遂由漳入潮舟次果遇賊遣諭使更新賊皆感泣旣

下車拊循士民約已省費均徭賦與同勞苦歸善故二  
十五里已逃其半自是皆復還是時將吏貪功妄殺張  
首級以上幕府民不死寇而死兵天琦嚴飭將吏毋殺  
掠平民民以安堵寇薄長樂城閉逃難者不得入號哭  
震天天琦曰奈何以民予敵乎亟令開門納之全活者  
數十萬賊無所縱擊隔水羅拜乞爲良民天琦曰必歸  
而俘賊立歸所掠男婦數千口廉其籍遣之有賊帥朱  
良寶故就撫被憲巡激復叛督撫檄天琦未至令憲巡  
僞爲天琦招寶寶曰是非吾許公及天琦至卽自縛涕

泣言所以叛非得已爲方請而釋之調貴陽年餘擢雲  
南副使備兵金騰初至見三宣六慰二土府諸司受緬  
約束嘗爲歎息一意招徠諸夷宣諭恩威諸夷稍通夷  
不識詩書禮義時扞文網與之更始以六籍教諸生六  
諭化齊民斌斌向風至滇四閱月以疾卒兩省立祠祀  
之天琦淹貫經籍子史酷嗜秦漢文戰國策尤潛心於  
易學有本原不旁涉他氏其文鉅麗法漢其理淵微法  
宋其治亂民如黃穎川龔渤海其化黔滇俗如蜀文翁  
其憂時體國侃侃極言有古直臣風所著有四書周易

管見續宋史斷行于世

景璧集參  
雲南通志

郭良字復吾號北洲惠安上郭里人嘉靖乙卯舉人壬戌  
進士試政吏部丁內艱服除授刑部主事時黃光昇爲  
大司寇議下多屬良酌情論法未嘗陰陽帝意奏上多  
報可所當論決無避權勢有大璫論死久繫伺閒請以  
千金壽希爲覆脫良大驚曰惟官惟反惟貨惟來厥罪  
惟均孰其逆梗陽賂者璫竟死獄中丁卯奉使過家卽  
家陞刑部員外僉憲湖湘丁外艱值閩中會勦南灣徵  
造艨艦有司籍漁舫部齊民應之邑大騷然良貽書邑

今日漢樓船下南越超足十萬今齊民無當水戰者驅  
之葬魚腹耳且漁舫足當戈船哉事得寢人人頌德服  
除補山東僉憲治兵濟南齊故多盜鳴鏑雜剽枹鼓聳  
起檄馳道多置游徼爲拒牆馬不得闌騫又計有關氏  
豪爲之藪乃籍其魁宿勾逐黨與盜發輒覺輒捕賊  
不敢近濟南癸酉監山東試錄成獨贈炙論比之王  
文成公則良筆也明年函萬壽表入賀諸所部例致贖  
良曰吾以不賄聞於諸侯今以使入而以賄入乎紳之  
竣事還薦擢廣東叅議先是監試齊當有私舉而

夏尼之乃噶他御史摺摠毛或用僉憲調雲南分路安  
普請以彙彙書誅山鬼也良處之自如治如濟南詢民  
開利害興除之滇俗淫僻置約講諭俗以頓革署學政  
以身律爲諸生先科試品階悉當人心胥服細甸素患  
邊當事者懷首鼠釀禍患良請用兵不聽後二三年緬  
甸益肆侮不用良策乃主征卒以平然事勤力倍矣省  
會元夕男女混會守卒夜驚僉令禁之而撫臣令從民  
便帥臣旗校與撫臣尉史鬪兩帥修却不相下直指以  
湖朝議直帥臣兩賢良撫臣益銜之構之陪京屬大計



陪京言官當良致政太宰仁和張公廉知之獨議留僚  
屬勸修謝不應明年又入賀時太宰方新謁者率用篚  
良挾空刺往無他覲還滇遂致仕歸行李蕭然營樂邱  
於楓林自號楓磐主人好讀書善持論其論道學論風  
俗論賦法論仕宦一歸於正直忠厚爲世所宗太宰海  
豐楊公在事時時問良安否曰是吾桑梓甘棠也我不  
敢蔽良孝友淳至當第後奔母喪闕方中寇徒跣行遇  
剽者疑其賣嘗有重貲昇置懸產將雜之輒號曰吾母  
吾母剽者哀之反爲之舉俸入新廟宇周旋成置義田

自奉布衣糲飯泊如也平生師事莊天賈而友張杞兩  
生繼歿莊有子而貧張無子僅一女歎曰伯道無兒中  
郎有女非其友誰託耶厚割俸津之俾有立既卒門人  
張會宗爲之狀而太史莊履豐銘之

採梅谷集叅  
雲南通志

沈亨字體敬號潛吾晉江人少惇篤言動不苟潛心易學  
深契蔡文莊之旨常云心術上要致其光明氣質上要  
矯其邪偏攻惡責善省己望人不遺餘力每讀孝經小  
學輒掩卷靜思求所以不愧古人者教人以孝弟忠信  
爲先時方尚講學亨曰學在躬行何以講爲嘉靖乙卯

以貢授新會訓導作庠諷以訓士作劬勞歌以勸孝作  
童子問刻朱子家政序說勸行親迎諸篇以化俗作卦  
畫圖論孟辯太極解啓蒙疏以發先賢之蘊諄諄啓迪  
其貧者捐俸周之新會士子頌其有師之尊有父之親  
陞宜山教諭教如新會未幾致仕諸生懇留不忍釋道  
經新會通庠琴送數十里歸家數年卒享自爲諸生時  
卽以古有違自待孝事二親生事死葬稱家以禮與弟  
友愛備至嗜學安貧履薄晏如其卒也有司博而殮之  
有孫一人寄養于女家祀新會名宦

舊志張莊浦序  
文獻張莊浦序

其襄字國著號龍源南安人嘉靖丙午舉人已未進士授  
行人秩滿送貴州道監察御史積資望五載出守黃州  
遷陝西苑馬寺少卿尋解職歸里居以論定出爲山西  
行太僕寺少卿無何罷歸襄性資凝重當官肩事屹如  
岳峙勇搖爲御史按遼東嗣按真定蓋當嘉靖之季朝  
政翫惕諸邊帥沿襲欺誕襄抵遼陽則糾撫臣之侵沒  
軍餉者總兵楊照死於邊事爲上功請贈蔭祠祀罷中  
貴權木稅請督開漕河飭吏士增堡置障邊境肅然先  
是北兵嘗入犯所衝頽墜牆千餘丈事聞肅宗怒下吏

議而邊臣謬上功兵部冒賞格復奮然抗疏請按諸罔  
者中外懔然憚之貴人子橫暴吏不敢問廉其實收繫  
獄中當道力爲營解持不少貸而權貴挾怨乘閒齟齬  
用是外轉黃人聞其名咸凜凜惕息迺下車則問民疾  
苦治務在拊循而已民苦冊籍影射爲精覈得漏糧千  
餘緡以現糧差賦額民便之著爲令聽訟一訊立剖卽  
遣去民爲語曰黃公決訟如剖水昔日聚糧今半斤時  
幾居正秉政旁近郡多羨劑者襲視之蔑如也及爲罔  
會大計銓曹無注考居正直取中旨報罷襄歸大布

之衣槨粟之飯先世遺貲盡哀與諸弟而嫁其子女  
家世族齒番衍塲拓祀田以追崇始祖卽族人婚娶喪  
葬咸取給焉居恒左右圖史自賓朋過從外悉屏謝公  
門請謁所著有四書易經集說藏于家子巍岑俱舉于

鄉

舊志桑園書南安縣志

莊國禎字君祉號陽山晉江人少奇穎王慎中試其文器  
之以女妻焉嘉靖己酉舉人壬戌進士授會稽令精勤  
廉敏歲免例金數百訟至立剖析兼署山陰雪諸暨生  
趙日新冤獄激慈谿舍人子之鞭撻顯丞者皆而繫之

有諸四十二職職殺人其從子官案方顯重轉嗚營脫  
百端不爲撓竟抵罪倡行條鞭法爲全浙式以卓異徵  
拜戶部給事中帝方有詔幸舊邸疏謂游宴漸不可長  
語極剴切得報聞轉工科先後疏抨大臣如郭宗臯游  
震得遲鳳翔皆貪緣有與援者出爲浙江按察僉事駐  
節嘉興廉肅清慎時倭警初平民苦兵革持以鎮靜一  
切務與民休息雖修戰守講方畧而未嘗以戎事擾民  
按獄平反軍務深文人感而頌之遷江西南參議廣西副  
使承寧督糧登狼要糾諸穢類設墾生養之請請以爲上

功賜金幣改視江西學政劑寬嚴精鑒別獎淳抑浮士  
經賞拔輒得雋去直指使者沿例收士入闈試竣檄悉  
充國子員國頑堅持不聽已遷廣西叅政廣東按察使  
雲南右布政尋轉江西左布政丁外艱服除補河南值  
兩河大祲白兩臺請發臨德倉請改折漕糧三歲做趙  
閱道荒政選丞倅分地經理之民藉以全活者甚衆潞  
邸新開中貴人莅事裁經費汰浮冗無少假借事就緒  
而民不告疲擢副都御史巡撫江西先一年水次年大  
旱復以河南例題請改折計部初猶難之再疏竟得請



會安慶贛州大盜稱亂先後與其帥合策捕之事聞復  
賜金幣晉南京刑部右侍郎旋改北戶部以內艱歸國  
頑器度端凝寬和嚴整遇事屹然不可奪所至守官力  
職循級而登不屑借譽養交以營速進性坦夷樂道人  
善非意之加恬然不掛胸臆每謂昔人理遣情怨兩言  
終身誦之可也爲文典重深厚不務鉤棘得王慎中之  
指授爲多居常所過從不過一二故人厚善者當路諸  
公及門未嘗峻拒諷利病未嘗不以告里黨有負枉不  
能直者語次間爲直之然不任受德也卒年七十有八

子懋華懋聲見選舉志

舊志參閱書浙江通志

林喬相字廷翰號錦峯晉江人嘉靖辛酉壬戌聯成進士  
年二十二奉旨畢婚授戶部廣東司主事督通州倉明  
智草場尋差管德州倉折色任民自兌本色親驗平量  
月糧按名唱給不許扣除稅課足額輒弛不征痛掃前  
弊不手一錢德人思之數四出入都門其紳弁士卒率  
踴躍迎送數舍閒或減騶從過德德人偵及亦必伏謁  
以爲快晉浙江司郎中陞南寧知府南寧古邕州地雜  
夷而居潔已御下簡節疎目甚慝民心邕士子椎魯少

文立課程爲之論說品題秋奏賢書者八人請建立新  
寧州治規創經始爲邑保障調順慶一如邕治秋入闈  
所錄皆名士先後登第十餘人陞山東按察副使備兵  
青州聞母訃次日卽行服闋除江西副使所司治郵江  
陵相方厲郵禁喬相第奇厨傳約舟車去其甚者而已  
晉浙江叅政擢廣東按察使入覲陞河南右布政使轉  
雲南左布政使滇鎮臣驕橫且徵征緬之旨索餉逾急  
喬相覈其行伍時其出內滇帑以給先是藩臬謁鎮臣  
一如謁撫臣禮及沐昌祚父祖構怨駢首就藩司對簿

禮因而殺其賓主耳昌祚欲復其舊諷之百方堅持不爲動驕鎮益肆鴟張路遇楊憲副立捽其輿蓋扑其騎從喬相奏記撫按暴其狀聞于朝逮其牙校赴法曹驕鎮繇是始戢晉右副都御史巡撫貴州兼督湖北川東軍務當廷推時石東泉司馬頗致推轂乃絕無所報謝會楊應龍煽亂殘破五司喬相疏謂黔剝膚應龍法無可貸旣而經畧邢崑田受指司馬以撫子局而薛直指受應龍重賂爲遮解與喬相互訐屬李給事論列石司馬乘夙嫌從中交搆遂罷歸初黔宣慰安疆臣父國貞

與其叔國亨素格鬪國貞歿疆臣方雅國亨視孺子耽  
耽凡土肉喬相檄諭之往事一付之司聽敢發難者移  
兵殲若矣立具疏題授疆臣官疆臣母子感刺骨比候  
代鎮遠疆臣具囊中裝黃白金數千它珍寶稱是致之  
喬相正色叱出因馳諭疆臣而能不侵不叛不患苦黔  
中人爲國家效一臂以誅叛臣其報乃公者大矣其後  
應龍戕三省廉縣官金錢數百萬疆臣出死力自劾世  
亦無有知喬相者林居二十八載與友人結香山會燕  
飲賦詩著日省錄宵旦計過匡坐一室繙書自省將屬

總惟言無愧於心者數四而已卒年八十有二

一闕書卷  
雲臺藏

陳邦顏字獻祉晉江人嘉靖乙卯舉人壬戌進士有志學  
古繼王慎中之後牙籤卷軸皆楷明鮮整若手未觸授  
華亭知縣賦繁多逋單車入窮鄉廉得積負詭戶置之  
法催科不遺胥卒出片紙傳示里長如期至咨訪民情  
登耗善敗無不洞悉值大水盡心撫字每遇丙夜不寢  
或勸以少逸曰吾身逸矣如吾民何丁內艱改魏縣隆  
慶初入爲兵科給事中二年遣太監趙玠於南京供應

機房織造邦顏上疏曰近者禮部累奏災異地震天鳴  
山裂水湧隕星雨雹白晝晦暝被震地方人民傷壓孤  
兒寡婦悲號路哭仇離無所陛下痛加修省命百官青  
衣朝參共圖消弭應天以實端在今日伏見修省之命  
方始於月二十七日而織造之遣遽聞於月二十八日  
工部係職掌言之不聽工科司封駁譚之不回竊念陛  
下欲遣織造夫豈無時乃當衣素之日而切衣錦之命  
卽修省彌文尚未克圖况警惕實心安望有終臣聞祖  
宗於南京原設織染局水泉清勝該局官監機張工匠

種種畢具並無別設供應機房且逆藩舊址氣觸不祥  
豈宜在內杼軸御衣又匠役皆順時僱募料價皆額外  
坐派臣向爲縣南方切見民貧到骨每追增派錢糧必  
須鞭楚血流滿地不忍舉視比徵解該局染造各各侵  
扣計自民間而達御前一衣之費不啻十衣勿曰女紅  
實民膏血臣伏觀元年登極一詔停免織造百姓懽若  
更生今蘇杭織造既遣去冬而南京機房復蹈前事臣  
竊謂陛下仁聖恭儉斷不悖明詔誤差遣伏望收回成  
命將降下花樣付之南京織局太監監造進御特罷玠



遣仍乞念小民之艱儉而又儉監上天之戒敬而又敬日親輔弼以講求治理名還諫臣以廣開言路則民生可安天休可迓疏入帝罪邦顏抗奏奪俸二月亡何以

疾乞歸道卒

閩書參舊通志華亭縣志

詹仰庇字汝欽號咫亭安溪人敦仁之後源之子嘉靖甲子應天舉人乙丑聯進士授南海令年方三十六才贖而守廉有巨猾掠人於野巧爲藏匿廉其根株藪穴捕致之辟游徼卒獵賄其土之盜誣指泉漳行貨者捕諸官將以爲戮覈白其寃全活百數條鞭之法實仰庇矧

始後龐公撫兩浙因以其法奏請通行以卓異徵入爲  
御史穆宗命戶部購寶石珍珠諸物責三日取辦尚書  
馬森執奏給事魏時亮御史賀一桂等繼爭皆不聽仰  
庇疏言仲虺戒不邇不殖名公戒喪德喪志湯武受之  
聖德光千載若侈心一生恣情縱欲財耗民窮害不可  
言况珍珠寶石多藏中貴家上供日亟則索價逾倍今  
兩廣軍興需餉疏請再三尚不多與而購一寶石坐費  
萬金乞停罷之明年春內官監辦製烟火進奉元夕火  
藥突發所延燒內房十餘間復疏言逸欲害德近習僨

事宜嚴加懲治又上元張設燈市游觀喧雜男女參廁  
請并禁革以端表正之地成節儉之風俱寢不報帝頗  
耽聲色陳皇后微諫帝怒出之別宮外庭憂莫敢言仰  
庇入朝遇醫禁中出詢知后寢疾危困卽上疏言先帝  
慎擇賢淑作配陛下爲宗廟社稷內主宜遵先帝之命  
篤宮闈之好竊聞坤寧宮曠而弗居積有歲月嬪御稀  
疎抑鬱成疾陛下畧不省視萬一不諱其爲聖德累不  
少臣下莫不憂惶徒以事涉宮禁不敢顯言人臣之義  
知而不言當死言而觸諱亦死臣今日固不惜死願陛

下采聽臣言還皇后于坤寧宮將賜朝慰臣雖死賢於  
生帝覽疏心動手批曰皇后侍朕多年無子近且病移  
居別宮冀安適卻疾耳爾不曉宮中事妄言姑不究初  
仰庇疏上聞者謂禍且不測及得旨中外權傳稱主聖  
臣直乃今睹之然爲仰庇慮者謂公今且休矣批逆鱗  
而攫螭虎不可爲常而仰庇益感奮會奉命巡視監局  
庫藏復疏言內官監歲入租稅至多而歲出不置籍按  
京城內外園廛場地隸本監者數十計歲課皆屬官錢  
而內臣假上供名恣意漁獵利填私家過歸朝宁乞命

戶工二部及巡視科道等官查覈宜甯宜革并出入多寡數以杜奸欺再照人主奢儉係四方安危陛下前取戶部銀用備緩急今如該監所開則盡以剝鰲山修宮苑製鞦韆造龍鳳艦治金櫃玉盆皆作無益以害有益羣小因乾沒累聖德虧國計望陛下深省有以玩好逢迎者悉屏斥罪之以彰聖斷宦官益恨故事內外諸司文移往返及牧民官出教條用照字言官上書無此體仰庇一時失檢宦官因摘再照人主語爲大不敬帝怒下詔曰仰庇小臣敢照及天子且狂肆擊天不悛廷杖

之百黜爲民并罷科道之巡視庫藏者南京給事中駱  
問禮御史余嘉詔等疏救并言巡視官不當罷不納仰  
庇官臺中八閱月耳而四上疏多指斥中貴人竟以獲  
罪神宗嗣位起除廣東叅議抵任閱月乞疾歸徜徉林  
壑十有三年復起江西叅議旋轉山東按察副使南京  
太僕少卿入爲左僉都御史進左副都御史諸所振刷  
論建如申飭御史出巡事宜定擬章奏體式爲蔡文莊  
請諡侃侃縷縷時論翕然歸之中官鯨陰撓朝政閣部  
力攻之帝猶豫未決仰庇疏言巨奸不除羣疑未釋乞

亟處分得旨放逐遷刑部右侍郎甫數月引疾乞休連  
六疏乃得請家居寡接惟與二三同志譚古道今布衣  
筇輿畱連溪山閒興至必有賦詠皆超脫工鍊瀟然物  
外之思里居二十餘年而卒年七十一仰庇少有瞻識  
倭發塚索贖有來言贖父柩者以計羈之不使歸報尾  
賊後與父柩歸賊遙望不能逼爲令明敏治辦立朝審  
譎百折不回其居鄉使人有所慕而爲善有所畏而不  
敢爲惡蘇茂相謂其不用之用無功之功其訓子弟嚴  
肅僕尤爲嚴飭兒童走卒皆羨頌焉撫按官爲請卹典

賜祭葬贈刑部尚書復請特祠于學宮

明史叅閱書

集

景隆

李逢期字維微號晉峯晉江人聰姪孫嘉靖甲子歲貢學以不欺爲標領以孝弟爲粟帛以整齊嚴肅爲終日步趨門人蘇濬嘗持乾坤二卦質之逢期曰乾之學約之一誠坤之學約之一敬誠無不敬敬卽思誠乾道坤道一而已授瀧水司訓有某生不能悅其庶母及兄邑令以文法移之庠逢期召至爲講孝弟爲仁一章生面頰若無所容歸謝母若兄敦倫如初有萬戶饋及門且善



致辭逢期謂廣文烹茗茗頗園蔬于于是飽不敢以薪水煩大將軍力卻之擢九江德化教諭權關吏歲以其餘惠多士士卽以佐庠中年節酒醴之供爲常召給之曰吾奈何壅使君惠又以爲私陞寧波府教授士有與民構者陰名數之曰奈何以小詬蒙大恥令刀筆吏持短長士胥化焉轉鎮海衛學寧波人奔送百餘里數日不絕至則捐俸貲葺殿廡祀祭器未幾遷吉藩紀善致政歸年七十二卒所著有四書易經隨筆記寧波名宦

舊志集

三集

何炯字思默號柞庵晉江人幼孤家貧發憤力學宋儒諸  
書無所不窺尤潛心於易生徒從學數百人每有質問  
抽抉蘊奧曲證旁引莫不虛往實歸至其實言實行步  
趨架獲惟紫陽是範嘉靖中應貢試內廷世宗閱其文  
親擢第一選授安福訓導首以忠孝訓士曰唐陽城嘗  
言學者所以學爲忠孝也擇周程張朱遺言刻之學舍  
以教生徒從其邑先生鄒文莊守益講德論業舉少司  
寇彭公黷祀學官邑有百年之老薦之賓席僕夫楊復  
封股療母具羊酒至其家爲下拜凡申藥孝子節婦皆

聞其實德餘雖有貴勢不爲徇所鑒賞諸生如傅應禎  
劉臺後俱以氣節顯遷靖江諭以正率人教一如安福  
名諸生月試之靖僻邑諸生時義之外史傳滕如炯試  
目先論策後經義以進其才識向久乏科第自炯司鐸  
遂有中選者兩邑士莫不仰其方嚴樸直以古君子尊

之念祿不逮養歲時思慕沒身不忘著族譜小兒集皆

根極倫常又輯王梅溪真西山二賢守政教題詠爲溫

陵留墨輯唐宋以來鄉先哲著作爲清源文獻郡太守

皆先後梓行之祀安福名宦子喬遷喬遠

舊志參  
閩書

陳敦履字德基號靜心晉江人琛子生而剛方嗜學好修嘗書先儒主敬窮理反躬之言貼于座隅以自省弱冠從史于光學易推高弟年二十爲郡諸生再試不利以父家居戀戀膝下歡絕進取念菽水事親志不苟取從叔讓稱之曰此子古學似紫峯意態似一臞今人罕見其匹友人侍御某曰德基至孝天成言不及勢利動不踰法則古心古行可於塵壺中求耶父沒後益以讀書課子爲務其論學大都專主性命根極理本不喜爲時尚詞華之習嘗語其子復曰孔孟而後惟周程張朱真

蔡得其宗國朝自薛敬軒陳克菴胡敬齋陳布衣蔡虛齋諸賢之外鮮有及者近時種種新說爲學大蠹兒輩無惑也一切佛老莊列之書屏勿視而於紫峯遺集謂其源虛齋而述朱程窮編累帙字讐句校壽于梓卽老不少廢已未泉中兵寇後遷徙靡定敦履恐後世子孫昧其所自因修譜爲合族計尋覓祖墳而追祀之年八十餘丰神俊整無論見賓承祭雖子弟必正衣冠見之嚴寒威暑無少頃惰容莊氏履豐爲誌其墓曰陳氏穎川代以益貴人乃稱公慚卿卿慚長然則士君子所不

墮其家聲者固不在區區名位閒乎德基好學不厭好  
禮不倦耄耋稱道不亂無慙乎紫峯子夫子復又以孝  
聞學能世其家云節梅  
谷集

明列傳七

黃鳳翔

楊道會

王用汲

王任重

李熙

蔡貴易

郭宗磐

張治具

陳用賓

陳詔

黃鳳翔字鳴周號儀庭晚更號止庵晉江人嘉靖辛酉鄉  
薦隆慶戊辰及第第二人泉中科第不乏而明及第自  
鳳翔始授編修奉命教習內書堂內書堂者授小內使  
讀書之堂也故事皆翰林資深者充之至是以委新授  
翰林鳳翔與修撰羅萬化編修趙志臯採古內侍之可  
爲監戒者積成卷奏授之讀誦已假歸起補丁外艱服  
除補原官萬歷初與修世宗實錄成進修撰纂修會典  
管理誥勅充經筵官五年丁丑同考會試江陵張居正  
奪情朝論不滿吉水鄒元濂起家進士上疏彈劾之居

正憲甚取中旨杖之意在斃鄉鳳翔言於朝曰鄉公新  
遭烈烈如是胡可死之囑其門生之爲鄉鄉人者調護  
多方鄉竟無恙嗣補給王恭質誥勅編列言事諸疏屢  
拂居正意庚辰居正二子會試欲鳳翔再與同考使授  
意鳳翔峻卻之壬午南畿秋試少宰王篆度次當及鳳  
翔亦欲私其子求鄉貴人爲先請復謝不往陞右中允  
管司業事癸未陞右諭德掌南京翰林院事甲申陞南  
國子監祭酒嚴謀程絕私請乙酉遜士前不盡字內人  
豪榜下多人數者御史黨傑監試操切諸生諱粘帖訟



之傑上疏歸咎成均士抗疏與辨傑理詣念母歸養戊子起北國于監祭酒時方校刻十三經註疏鳳翔言頃陛下去貞觀政要進講禮經甚善陛下讀曾子論孝曰敬父母遺體則當思珍護聖躬誦學記言學然後知不足則當思緝熙聖學察月令篇以四時敷政法天行健則可見聖法之當勤勵釋世子篇陳保傅之教齒學之儀則可見皇儲之當早建彙教疏入報聞己丑陞禮部右侍郎兼翰林院侍讀學士充經筵講官與東阿于公富順李公同心秉禮是時諸臣多見逐而邊事告急外

帑不繼鳳翔乃抗疏言多事之秋宜屏游宴親政事以  
實圖安攘今之大計惟用人理財最急耳宋臣有言平  
居無極言敢諫之臣則臨難無敵愾敢死之士故軍中  
韓范西賊膽寒彼其當初皆極言敢諫者也鄒元標直  
聲勁節業受上知頃銓司業擬名用而聖意頓改于前  
潘士藻孫如法諸臣亦擬量移而章疏中寢以諸臣狂  
慙薄斥猶且不被收錄復奚望夫盧洪春李沂諸臣之  
獲譴獨重跽伏田畝者也士氣日摧人心不奮一旦有  
急誰能蹈邊疆之多憂効先軫之死敵哉昔宋藝祖欲

積纒帛二百萬匹易敵人首宋太宗移內藏上供物爲

用兵贍給之資今戶部二十萬之歲進旣非舊額積爲

常供屢經執奏未蒙俞允額外之輸貯諸內藏而經費

賚于外庭莫知如之何保無濫也都城內外宮廟寺觀

金碧堂宇壯麗煒煌皆內帑所捐而遠方梵刹之供奉

歲時燕醮之翳釀亦復絡繹頻仍與其厚費冥漠之鬼

神孰若獨輸不遺之民命今東南財力已竭西北邊務

方殷與國民交病之日反褻負薪之景宋藝祖太宗有

何難遽出內帑之儲以富軍市之資則養士募兵充然

而有餘疏入不報時皇太子未立中外屬望最切而上  
意又欲國本之定出自君父宣諭閣臣冊立之典且以  
明歲舉第母使外庭知也彼且藉以爲盡力時相王文  
端家屏出以語禮部禮部尚書于慎行侍郎李長春及  
鳳翔遂上明春冊立之儀上怒曰朕密諭也而又宣之  
鳳翔與慎行長春並奪俸三月諸公不敢有言而鳳翔  
復疏諍之疏入復不報遂上疏乞休壬辰起禮部左侍  
郎癸巳改吏部俱兼官如故己陞南禮部尚書復疏辭  
上以鳳翔素有清望不許再請許之甲午復起尚書復

疏乞養親歸鳳翔事母至孝其膺命屢辭並以養母故  
最後母以壽終而鳳翔年且六十矣執喪哀毀不異少  
壯四十二年甲寅鳳翔卒年七十六訃聞上未及覽復  
有旨起爲南禮部尚書已知鳳翔歿有旨如例子祭二  
壇仍加一壇造墳安葬鳳翔舉進士四十餘年在官十  
三年耳爲人平易忠厚而狷介謹嚴不設道學之名而  
體其實溺於學問毋論在官在家以至衰老子史詩書  
靡不涉閱要必終其卷褻審其條貫鈎其屬謬據其重  
複每讀一書輒有論著粗飯量腹革靴納足蒼衫稱身

自置自櫛一二蒼頭侍立而已治屋宇取足庇孫子門  
絕費榘柱削開楹爲文爾雅深醇所著有

一編輯嘉靖大政記嘉靖大政編年錄泉州府志天啓  
初賜諡文簡子淳中潤中顯中

明史叅閱書景壁集

楊道會字惟宗號貫齋晉江人嘉靖甲子舉人隆慶戊辰  
進士就銓黃巖令息訟緩征設誠行之擢南戶部主事  
以省母歸起補原官聞母喪妻許氏方產子三日束裝  
奔訃服闋補工部都水司尋權木南關將之任別張相  
居正相獎借甚因授意令伺南方人情向背以告道會

至關第報視事日期而已既權木木商大感寬政而稅額縮道會第如額報緒額達相意不願也居正病部尚書劇金爲禱道會謂此臣子事君父禮某不敢預聞者皆爲懼而高之遷虞衡員外擢屯田郎中出守安慶尋丁父艱服闋赴補台州州民與安慶人爭守竟知台州將至巖民襁負迎道三日不絕居久之歲荒好民以告羅爲辭空其大家困廩道會擒亂首寘法黨立散他日有突報僂僂至者民奔擁入城道會曰僂來必登岸未登岸胡意也台人請授兵登岸道會曰我民盡於守陣

卽亂民內訌可奈何坐鎮之海竟無倭耗行海使者稅  
緩金糴台溫毅道會不從第權令州縣備倉谷應之旱  
禱龍潭大雨三日台堤數壞築神像堤下堤自此固遷  
廣西按察副使粵撫幾微見顏色投檄歸居二年起爲  
其省提學使者時臬僚多缺悉委道會篆道會視學政  
之外一平府江徭一討岑溪徭有成功時時仰屋嘆曰  
吏墨而刻蒙蠹而侵夷末由控告張其信噬此亂本也  
葭夷不得加以招招不來生其玩玩莫制啗以利啗無  
厭肆其驕至于攻城據邑劫帑戍更而大征舉矣夫始



直炎炎也縱其燎原土漢並集玉石俱焚夷可哀也史  
與豪孰問之遷湖廣參政提督太和山兼撫民及分守  
下荆南道治鄖襄政務大體不專小利容民畜衆巖郡  
寧謐太和山故有香瑤士大夫與瑤爲難其故習道會  
解之他日稅瑤陳奉奉旨來滯鄖旬日太和瑤遣謂之  
曰楊公菩薩也公負楊公元神殛公矣奉佛佛去之襄  
樊日爲暴襄樊不善爲周旋帝速襄通守司理棗陽令  
各一人道會地襄樊慰藉之語變騎善護視三人無恙  
奉去之楚楚民大變殿擊其人沈之江天子召奉遣使

趙司馬可懷出鎮陞道會按察使分守武昌尋攝其使  
篆趙司馬窮治璫黨下訟牒道會牒三百道會入見司  
馬奉黨多不過百十人其爲世指名者大抵已長繫其  
餘或極或溺不則首鼠竄伏訟牒如許率齟齬有力批  
引夙釁者也司馬收還牒亡何部運入淮乞歸休不許  
時朝旨已轉布政右使矣而楚宗獄起趙司馬死焉天  
子卽家趣道會倍道之官道會走入楚諸宗已就檻諸  
司尚日夜治楚獄不休道會語左使楚宗始起事者已  
坐臯若株連及人人恐生他變左使乃列上罪狀爲數

坐得旨施行又語楚撫誅戮之後宜停楚刑一年以示  
寬楚撫奏上報可道會復時時歎曰楚氛之起國威幾  
頓牽纏斯長亦因諸公操之太甚令某在事當不其然  
亡何轉左自親王而下具禮待之曰大家巨族且厚本  
支况天潢乎庚戌入覲李廷機避居荒廟每過從譚至  
夜分廷機爲誦白沙詩茫茫宇宙人無數幾個男兒是  
丈夫以壯其志云旣而上疏乞歸許之道會貞而不諛  
和而不流平生不齒榮利未嘗一失足權貴人門論爲  
官則曰官非身有行則爲姤姤遇也止則爲復復故吾

也論馭吏曰不受餽論待民曰無擾之論治官曰與革  
弊莫若興利與嚴下僚莫若詳自治論學則曰古人學  
問隨地精察大德不踰據德也小德出入游藝也取性  
理精言採入程朱全書近思錄爲性理抄依春秋綱目  
例纂成歷代史自作論贊發前人未發可謂好學不倦  
君子矣卒年八十所著有詩禮二抄周禮詳節四書商  
求史綱節要行世從弟道賓弟道恒

閩書叅

鄖陽府志

王用汲字明受號麟泉晉江人嘉靖戊午舉人隆慶戊辰  
進士授淮安推官禮士愛民豪強斂跡訊獄得情民自

謂不寬陞常德同知廉平節愛作興多士萬歷丁丑入

爲戶部員外郎時張相居正奪情柄國假歸治葬楚中

督撫藩臬千里外奔赴獨巡按御史趙應元稱疾不會

馳疏乞休都御史陳炯希居正意以飾疾規避劾罷之

用汲發憤疏抨大畧謂御史用不會葬忤柄臣而陳炯

阿意借事糾彈竊恐憑社煬竈之奸復見今日謂宜別

白忠邪永戒朋比疏入黜爲民於是直聲大震癸未張

居正沒專恣狀露得重譴用汲自田中拜刑部員外郎

尋遷廣東按察僉事遷尚寶卿大理少卿不二歲躋九

列孤立行一意絕不與時上下如爭王文成學術偏諛  
不稱庶祀都御史胡某銜諸生吳仕期書詆江陵奪情  
疎屬吏捕斃之宜正辟不止謫戍皆與時議異同疏雖  
不行朝議凜焉時追論江陵者日紛呶未已用汲曰譴  
如是足矣已甚之恐傷國體其正直忠厚多此類丙戌  
晉順天府尹丁亥晉南京副都御史總督操江輦轂下  
多中貴禪之弗敢干謁歲禮發倉平糴汰兵節餉民困  
以甦會剿太湖劇盜殲其魁捷聞賜金幣己丑晉南京  
兵部侍郎改吏部尚書邱宋太宰推轂天下賢士大夫多

所咨詢辛卯晉尚書南刑部以脾疾乞歸用汲鯁直廉  
介本於天性爲諸生時郡困倭寇客兵飽餽餉不發一  
矢卽陳書直指言狀郡守嗔以非書生事輒抗聲曰范  
希文做秀才便以天下爲己任矧鄉井事耶佐淮安常  
德二郡囊無長物當創籍時倚居郡中鶉衣藜食教授  
生徒自給及致尚書事歸蔬布無改卒年六十六贈太  
子少保諡恭質

舊志參閱書明史  
淮安府志

王任重字尹卿號玉溪晉江人嘉靖戊午舉人榜名雲卿  
改令名隆慶戊辰進士爲廉州推官矢廉矢慎聽默若

神明屬其守與船司交構連任重任重不自明竟遷柳  
州同知久之事白擢守其府持法嚴豪家忌之調貴陽  
以馳傳左遷金華推官稍遷揚州同知年餘遷雲南曲  
靖守任重浮沈偃蹇所至恂恂盡職具有治狀久之擢  
雲南按察副使移陝西行太僕寺卿復遷雲南參政滇  
中先後削平逆酋任重馬勳之力爲多擢山東按察使  
專善漕儲稽督多方運艘無滯事竣擢雲南右布政使  
聲猷益著以疾乞歸予太僕寺卿致仕任重自幼慈淳  
常茹太極圖西歸于寧慨然公於漢唐關關之學及守



曲靖值江右講學李中丞材分憲金騰遂以學相質衍  
繹徃復而踐履益真其虛心愛善擊節咏歎不啻已出  
居家遵循禮法郡邑無私謁事關民瘼則力為拯援甲  
輪榮福全倉苦跋涉為請改折墾閭歡呼建祠祀之終  
日正襟危坐誠子孫以孝弟勤儉夜將就枕必誦小學  
孝經二章雖老不輟曰淺而實深近而實遠惟義理可  
感性詩書可陶情所著有家訓要家禮輯順大事宜邊  
務要畧滇清二集王太守講章凡六種年七十有八舉  
任重與王用汲俱南鄉人為書生出入相隨同舉進士

其質行又相類鄉人謂之二王

舊志參閱

李熙字穆之號序齊晉江人父文護兄勳並以貢仕學諫  
有文行熙嘉靖辛酉舉人隆慶戊辰進士選翰林庶吉  
士未幾奔父喪服除授兵科給事中卽疏乞錄用言事  
得罪諸臣以開言路請理學蔡濟從祀 文廟糾中官  
馮保巨奸當斥逐旁及戎政車戰秋防互市振卹阜財  
諸疏皆動中機宜朝紳屬目高拱柄政欲盡逐先朝諸  
閣同列受指於熙熙不可已高拱去相幾極不測張居  
正代之賜爲排不附已者熙復不應會疏論羈司馬沐

黔國劉都護不法事譚司馬者權相私人也力擠之謫  
南豐丞怡然就道既至直指檄修江右通誌棲白鹿洞  
熙召集青衿倣朱子規條與譚論名理一時士子彬彬  
嚮風焉量移寧國令詢民疾苦興利去蠹百廢具舉邑  
有疑獄麗大辟者十餘人累年不決熙立訊得其寃狀  
白上官釋之遷南刑部主事行之日老幼攀轅共生祠  
而尸祝之在部讞獄多平反三載出守高州高州故炎  
徼土瘠民貧狃犴糶處寇賊充斥有司類計之不能寬  
熙示以恩信散其脅從五年境內肅然教化大行晉廣

西副使弭盜息訟府江有木鹽二稅歲可得羨帑數百  
金熙卻之付郡令貯庫以備他需會三鎮酋長攜貳制  
府每事委重焉熙殫精竭慮晝稽簿書夜籌戎務至廢  
寢食三鎮底定而力亦困憊遂引疾致仕時已擢雲南  
叅政舟次惠州河源卒年五十三所著有私警錄八戒

及詩文藏于家

舊志叅閩  
書景壁集

蔡貴易字爾通又字道生號肖兼同安人宗德子嘉靖甲  
子舉人隆慶戊辰進士授江都令丁內艱服除補崇德  
復包角堰以捍海潮創尊經閣俾諸生講業含山巨盜

楊雷潘榜者糾聚橫行浙以西苦震隣臺使者謀遣將  
兵之貴易用開計擒其魁餘黨解散三方安堵遷南京  
戶部陝西司主事徽人商崇德者感貴易不擾追至姑  
蘇釀四百金爲獻貴易峻卻之諸商歸而立四知亭侈  
其事督錦衣米鹽八倉出納十年無批折晉浙江司員  
外督浦口倉遷祠部郎中罷教坊司供應清朝天宮侵  
冒出知寧波府時余文敏公有丁爲相貴易座主也寧  
人議開海外金若大槪二由謂可鑿腴田二萬畝佐軍  
興文敏從中主之置司業唯唯促益鋪從貴易曰此

初所從地也役蒸黔而資巨室詎庸利乎既力白於上官復究極利害爲有丁陳之有丁復書曰鄙人不知其不便若是事遂寢諸衛所賂結府胥借軍儲數千無遺計蒐致之法餉蠹一清海上漁商二稅舊輸郡帑議貯之節定二邑著爲令曰郡牘故在耳寧東門外跨大江爲浮梁兩涯隙地爲豪家占以築室設廛市渡者壅擠多溺于水癸未大水壞舟梁漂溺百餘人費易爲文祭溺者按圖籍得其侵蝕者折其材而平之更新道路浮橋橫舟二十餘艘鐵纜聯絡屹然中流自是往來無患

士民立碑頌之遷貴州按察副使署督學校所拔得士  
署司篆出納惟謹不問羨擢布政司叅政所部會安國  
亨嘗遣人投牒若將有所饋者貴易叱牒還之自是安

會頰首受約束曰畏使君清耳晉浙江按察使浙士民  
聞之喜曰是故寧波守也會吳興董學士范司成事起

訟媚集貴易一切安靜鎮之曰是無賴子易漏安足聽

也撫按知貴易不爲動則經下之道府而董學士家被

范司成竟投縶死事聞神宗震怒當事者咸獲重譴人

始服貴易能持重得大體會入覲爲陳講所中坐第一

秩歸貴易恬退寡援挺立獨行易簣之日囊橐蕭然蘇  
濬顏其堂曰清白寧郡崇邑皆祀名宦萬歷庚子祀鄉  
賢所著有詩文集子獻臣

舊志參閱書

浙江通志

郭宗磐字漸甫號鵬海晉江石湖人八歲能文弱冠博極  
羣書尤粹於易時臬士治易有聲二十七人結社紫雲

欲得一人以滿列宿之數而難其選李廷機蘇濬郭惟  
賢咸推宗磐隆慶庚午辛未聯捷進士授新安推官有  
巨室鬻殍丐誣人以死獄久不決廉得寃狀一日出片  
紙名操纒裡者至佯詰之曰若某日爲盜其人力辯云



某掩竈爲生是日成三塚一爲殍丐歷登之私用且故塚纍纍可覆按也及按則中無所有矣其人駭懼不復抵飾寃獄立剖又有猾胥當坐法乃給駭者曰適有細故一詣公庭便可了了且芳之餌駭者利其財卽往繫獄復給之曰而且少耐吾當爲控之讞獄者不知其僞也以猾胥之罪罪之宗磐稔知其寃釋駭者使出密令人隨後戒之曰出有與語者便捕來果得猾胥并其往來私札遂一出之一入之闔郡稱神自是有疑獄積蠹皆檄之丁內艱起補贛州羅陽寇發侵鄙界備兵

者遣將破之欲株連以徼賞宗磐力止之僅殲巨魁全  
活無辜以萬計擢南京刑部廣東司主事時巨璫方得  
罪下法官議皆弗稱宗磐按問得情遣供役陵寢司寇  
欲散法論宥促改判宗磐持不動奏上報可陞處州府  
知府精明嚴肅吏胥門皂不敢進片語衙廡肅然鈔束  
衙官片紙不敢擅受郡俗嫁女必傾貲民閒至不敢舉  
女諭以好生之德動以屬離之情仍編什伍設籍記令  
自相覺察預以產期登籍按月稽之更定資送儀節有  
差自是民無復棄女人方之買父繇役故煩擾民不堪

命至挈家通竄爲革坊里供應等費多方裁節調適均  
輸紀爲成式民樂其便勒石銘德尸尸祝焉尤雅意造  
士季考外朔望課文親爲較閱王一中鄭子壽等皆其  
所造就也遷廣西副使雜夷而治土酋三鎮素負固爲  
梗出奇策墮其一鎮餘聞風歸命得與堵以仁介不阿  
爲僚曹所中歸杜門著書怡如也宗磐孝友天植爲父  
卜兆洛陽形家云不利於仲曰苟利於伯遑恤我躬竟  
營之家居恬淡不喜紛華益精研於易所著有易學說  
術道德經南華經註釋其說海一書本朝

御纂周易折中多采其說

處州府志  
參家傳

張治具字明遇號洞齋晉江人嘉靖甲子舉人隆慶辛未  
進士令廣西永淳永淳荒壤治具以清勤莅之兢兢如  
治劇詢察民瘼爲豁浮賦三百石召集諸生爲講文義  
親自程督邑久無雋者至是登鄉薦者數人有賈人請  
鑿鑪於當道治具爭不得設重稅困之立報罷閱歲移  
臨海去之日老幼遮道附舟夾江立祠置田祀之臨海  
多巨室每延見士大夫飲以和菘以正士大夫安之其  
聽斷頃刻數百言立就聲聲中窾兩造爲之縮舌邑賦

繁多弊數悉爲釐正署其籍曰追徵全法考四封稱便  
郡守每事必諮焉六邑長亦多決策於治具徵入拜貴  
州道御史巡視京道二倉兼河道已復巡銀庫巡西城  
兼視十庫持重舉大體事事治辦丁內艱歸服除補湖  
廣道適扈蹕謁陵還過老君宮帝有徘徊意倉卒具疏  
請罷游逸以光盛典帝嘉納之趣回鑾大雨如注扈從  
諸臣稱其有回天力云已奉命按南畿行部所至旌廉  
汰貪如別白黑所亟顧意者卹下情鋤豪強慎聽讞張  
弛在不數不隨之間有結盟會號稱水黨百姓苦之立

鋤其姦囹戶蓄亡賴以藥迷小兒使隨去禁室堵中鬻  
之他省廉其實遣吏破柱出數百人還主溧陽富家倚  
江陵門下尤七佔田奪室江陵敗尤七匿其家疏劾之  
書生吳應期少年喜事擬糾江陵疏太平龍同知上督  
撫逮應期飢死獄中其妻鳴冤治具疏擬龍罪城旦覆  
議從之乙酉監試順天放榜先一日內廉循舊例取墨  
卷治具曰弊竇也堅執不予已復出按浙廣舉懲如應  
天而風厲過之有望風解組去者楚多盜捕吏藉干陬  
嚴督實陰倚爲奸按法乃止讞獄躬自省閣引經據律

務在得情楚俗收同宗貧子奴之數世不改亟示禁之  
土司小忿輒興大逆詞治具曰細故也以不治治之及  
有司訊報果然楚隣蜀邊地大木役興令分其役毋觀  
望役竣賜銀弊遷江西副使贛州奸民挾養砂之術簧  
鼓愚民悉收治無脫已丑入覲復晉其省叅政治饒州  
饒造磁器上供額歲加磁戶復私竊鬻之器窳而料派  
不給極力節裁終任無一役一票到磁所進諸生論文  
講藝延縉紳談風俗政治從之如雲尋權四川按察使  
會獨撫被劾屬勘治具曰吾生平未嘗誦法媚人今日

之對與劾章異卽遭譴不過削爵人品關大節一旦壞  
之吾不爲也播州民苦楊酋殘暴避入內地時議驅出  
之治具曰播人方離罪而復納之非情爲設法安戢入  
覲旅幣充庭辭不受邊地獲狐以皮進曰吾一裘三十  
年安用此立卻之會計吏江右撫臣誤指江右事追訾  
請量移之竟致政不就調治具篤行長者外夷中嚴於  
倫情甚厚嘗自言平生所爲惟此念不欺人咸信之以  
爲槩槩君子卒葉向高銘其墓所著尚書會解四書初  
說諸儒辨旨初東集訊讞稿觀風雜言牢獄要語等書



子國裳已卯舉人

舊志

景壁集

陳用賓字道亨號毓台晉江人隆慶丁卯舉人辛未進士  
授長洲令力除宿弊案無畱牘平賦清獄抑奢崇儉潔  
已惠民禮賢下士始縣秋糧折色多積欠部檄旁午長  
吏多獲譴用賓徵比有方寓撫字於催科竟完至八分  
名入爲御史巡鹽河東鹽池苦久雨積課虧盡用賓竭  
誠禱于中條山雨立霽池鹽遂生旣生苦無南風用賓  
復禱薰風連作鹽積如山時神其事改按淮陽兼督學  
政時司理獵賄廉其魁爲鳳陽吏孫閣置之法其風漸

息考較薦劾一出至公以忤張相居正意出爲四川叅議浙江副使轉叅政陞按察使湖廣布政使以都御史巡撫雲南素負雄畧用兵如神甫下車察滇形勢卽題設蠻哈守備未幾緬賊入寇用閒謀檄暹羅國襲其後牽制之猛卯蠻勾緬構亂檄木邦以夷攻夷殺多俺及其子多亨多洪滅之築平麓城三宣以寧事聞賜勅賚金又念永昌金騰屢被緬患于銅壁諸處設八關二堡闡屯田收米養兵省轉運費緬賊復糾衆欲吞蠻莫窺思化擇將發兵追敗之斬丙測擒賊十六人斬首九級

獲戰象三隻馬三十六匹捷聞晉秩右副都御史賞銀幣順寧府土舍猛廷瑞者孟獲後也土官奉教世守大侯州其族奉學分管雲夢十三寨謀奪州印通於廷瑞與興兵攻奉教焚州治及所賜勅書燬瀾滄雲龍二橋用賓上疏欲令廷瑞執奉學贖罪不從則以兵臨之朝議許便宜行事乃先遣人諭瑞瑞不聽決策用兵瑞計窮斬奉學首獻於監軍李先著遣以黃金百兩白金六百先著命撤兵而廷瑞遂奔據觀音山張直指行部永

昌先著受賄縱賊用賓難於異同以疏繼之然

詞多委曲有旨撫鎮官協力共剿於是分遣四路其技  
廷瑞瑞走洛黨獲之順寧卒改土爲流設知府而改大  
侯爲雲州仍以奉教爲之無何十三寨復叛又討平之  
時先著奉旨逮至京病卒詔獄而用賓就晉右都御史  
兼兵部右侍郎膺一子錦衣百戶世襲賞銀幣後以平  
十三寨功陞俸一級再賞銀幣原膺子陞一級世襲而  
先著之黨怨深刺骨矣稅瑄楊榮欲通蠻莫道開寶井  
致緬賊阿瓦興兵十萬犯蠻莫用賓疏謂蠻莫三宣之  
藩籬欲保藩籬當罷採買帝不能用而楊榮羅織立威

誣執把總尹希舜首截買寶石富民郭之翰等買地獲  
金刑索黃金數至千兩激變數州縣用賓疏陳榮罪有  
害死李提舉史通判龔同知等事請拘其羽翼爪牙盡  
置之法速將礦稅停罷而疏皆留中元惡不悛拷死指  
揮梁棟刑責指揮樊高明荷校於是衛官賀世勳韓光  
大及梁棟子臯門乘小民激變執刀劍排牆而入將榮  
殺死付烈炎中用賓疏言激變之由分別情罪請旨帝  
誅世勳及亂民張守志等四人滇以復安而帝以用賓  
不能保全權使眷亦稍衰是時用賓撫滇已十餘年念

母老屢疏乞歸不允而阿克之難作阿克者武定土官  
鳳朝文孽孫也嘉隆閒屢叛討平改武定府流官其屬  
州人鄭舉者恨知州黃榜欲死之謀阿克起兵復故地  
知府陳典知其謀攜印避入省城武定遂陷克長驅至  
省城大焚掠民舍索武定印甚急用賓倉卒徵調未至  
士民環跪泣請權宜出印與之計給賊去尋徵兵分道  
進攻擒其渠魁十二人克舉遁入東川大兵從後躡之  
土酋祿壽祿哲等執克舉以獻時朝廷起劉繼於家使  
入滇殺賊發閭寺金五萬兩以佐軍興繼至楚而賊已

平正在宣捷閒而柄政者爲李先著同年同鄉欲爲報  
仇令其私人連疏攻用賓朝議不論其勦賊之功而單  
科棄印之罪論逮下獄帝知其寃有意出之第以稅使  
故緩其恩貸黃克纘上疏救之爲李朴等所攻繼撫雲  
南周敬松公知滇人甚德用賓憐其無辜繫獄疏請貸  
之不報用賓在獄九年日取叅同契金丹正理諸書玩  
味紬繹若有所悟一日謂其子曰吾今年必出但未知  
何如出耳亡何疾作司寇許移出于外治疾遂卒追諡  
襄毅所著有楷真篇註疏還真大指大道指南道德經

契心錄還初筆記伊川三大難事說達意草

闕書叅始  
蘇志雲南

通志

陳詔字子宣號紫台晉江人安曾孫海豐教諭初孫隆慶  
庚午辛未聯進士授工部虞衡主事轉屯田員外郎都  
水郎中出爲浙江按察僉事轉布政叅議雲南按察副  
使以病歸卒詔起家工曹董領工治遂以名其職其始  
領虞衡有盛甲厥之役厥中財物故爲中官乾沒所造  
盛甲悉薄惡詔至一意精核絕不與中官交歡旣成堅  
攀無斷撞攔不可毀聲馳部署萬歷甲戌有兩水河橋



之役功成受賞賚萬歷乙亥詔領屯田有修昭陵之役  
昭陵者穆宗皇帝陵也會垣損上及兩宮震動詔奉命  
往修節縮各程于度願正殿殊完而中官議撤之另建  
詔白閣部力止之三月告成省帑金以三十萬賜俸一  
級賞白金十兩兩宮金亦十繼而有朝宗橋之役朝宗  
橋者駕所往陵道也駕旦暮謁陵詔倉卒受事平土固  
基累石爲墩鑿連竅鉗鐵錠煮犮爲埴調灰錮鄰不踰  
時橋成陞俸一級賞白金十兩出歷丙子詔領都水則  
有高郵湖堤之役高郵湖漕津也先朝平江伯陳瑄創

築老堤侍郎白昂繼開康濟越河後人狂妄越河忘老  
堤外禦之力坐致其壞水入園田更成一湖淮揚歲歲  
坐水患而漕運爲艱督漕兵侍吳桂芳請修築之仍倣  
先日王恕議挨老堤數十丈之東取土以成越河修補  
兩頭舊閘通舟楫朝議當遣詔詔至則汪洋汗漫莫可  
措手曰吾讀禹貢矣欲安上流須濬下源於是放儀真  
通州等閘洩湖水注之海濬草灣等口以消黃漲水落  
見基堤工興焉所以督之如京城造橋法五月而工成  
延袤四十餘里詔曰未也舊堤尚卑當高之三尺衆難

其費曰可矣亡何水災卒如詔言高之於是淮揚一帶爲安流詳具高郵志中甫報工而浙僉事之命下於是有所治海塘之役海塘者浙以西瀕海爲郡而嘉興之鹽官據抱三面無崇山淤渚砥柱其間海水高與城並南自白塔北自乍陳諸山相望夾峙每遇潮輒倒流衝激捍禦稍疏卽湧入內地非特一邑受害卽三吳皆巨浸蓋自建邑以來邑治三徙矣沿海故十有八岡盡沒入海直倚塘爲捍萬歷乙亥五月之晦颶風大作海潮洶湧石土二塘衝坍殆盡平地水高三尺男婦死無算

日二潮直抵城下詔受事三日往視塘禱海神採眾議  
條上撫院言今石塘之布小大異狀雖錯如犬牙終有  
縫潮水淫激石不樸屬無以爲完久宜鉗之以鐵錠  
小大之石稱使平方繞縫順疊各極妥帖乃用石灰灌  
縫調之以糯埴久之灰石加滲水不得入石更以壽督  
撫是之至則稍基淨泥直入地防於下椿樞椿樞之心  
實之以石礫使其上如平地深固可以任仍做二塘樣  
式昂字疊砌砌而池之難難不立以順潮勢凡用舊石  
一十三萬三千有餘新石一十五萬餘砌石之法詔身

指示有不平方責匠換砌晝行夕課無寒暑風露凡築石塘三千五百五十丈土塘二千六百一十六丈塘外置盪浪椿樑二千六百丈椿樑之外鑄鐵牛十二鎮之內開激浦白洋新河六千餘丈一以行舟載石用省輦輦一以備異潮漫塘有所蓄洩一以開河取土築內土塘使異潮蓄洩白羊河者又得土塘爲障塘河之上酌量里數爲木橋五以便往來兩岸植桃李禁樵採令其植根護土又用夯築土爲甌坡以固之新舊石塘綴連之處不見痕端復建海神廟築先朝楊瑄祠請朝賜額

廟曰南海神廟祠曰報功楊瑄者故浙江按察使治海塘有功者也是塘也自洪武以來修築屢興迄無成功正統閒費至三十九萬其始役也議者謂當費一十九萬餘後省之至十六萬三千有奇期以十餘年就自詔爲之費十一萬而已經始萬歷丙子之春明年丁丑九月告竣而杭郡海寧縣塘以乙亥夏月圯二千餘丈督撫復檄詔修築詔用公帑千九百餘三月而成事於是兩臺藩臬交薦詔任事忠勤經理周至旣遷布政叅議巡撫徐枋又奏請開濬浦河道以通蘇松復以委詔詔

謂大功方畢浙西勞憊議先賑民貧徐調夫役復兩月  
而成功詳具海塘志及嘉杭新志中既遷雲南按察副  
使而海塘功聞帝復賞金十五居一年以病歸癸未春  
朝命撫按科道薦天下致仕官可用者皆以詔名聞而  
詔已卒年僅四十八始詔上公車時濟河於徐州舟人  
先夕夢神人語曰明有登而舟者他日治水有成功及  
築塘時楊瑄白晝現形示築法而浙人特爲祠祀詔於  
鹽官時時見與楊公並馬出入行塘上也詔博涉羣書  
墨守朱箋稟之朱程爲文春容雅正不露稜骨一通官

籍警敏明習諳若老吏屢興大役皆驅馳于暴風烈日之中胼胝于衝濤突浪之表勞瘁不辭學畫從心萬姓之利百世之功犁然具舉謝病休居家無擔石布衣蔬食不改其初未及大用賡志以歿公卿士庶咸歎惜之

閩書叢

景璧集

明列傳八

蔡國炳

郭惟賢

黃道瞻

蘇濬

黃克纘

道敬

道爵

洪有復



李懋檜

蔡國炳字誠中號拱朋晉江沙塘人少叅一槐胞姪也萬  
歷癸酉甲戌聯捷進士授永豐令邑賦役繁重民多流  
莧陳救荒七議以甦民困逃亡復歸教民以水龍通渠  
引澆注田自是無凶歲寇黃四一等竊發密偵捕之去  
入他境有乳媪主盜拘其幼子佯作兒語名媪訊服之  
發所盜金人稱其神集諸生試文品其等第邑知勸學  
登賢書者六人以最擢工部主事會通行清丈田畝親  
詣履勘或謂層岡峻崖中多墾地可以益賦檟不從第

通融均畝無失舊額而止既夫民思而祀之入水部值  
修陵祀舟行河膠先募能水者度淺深作木龍築堤瀦  
水船至以次順流決下鷁行如飛帝廉其能歲餘出督  
清江漕艘先是船稍敝漏盡棄而更新之一船動費數  
千緡仰給歲商不可稽覈而乾沒因之乃度稅入與船  
費酌爲定式不做不更新不大做不再造蓬牖桅檣可  
留者因之一艦省將作之半計三年省費千餘萬貯郡  
帑以爲後事之需漕無滯而稅不加工商稱便後遂遵  
以爲法晉吏部自考功歷稽勳郎中拔孤振滯不受私

書私託憤諸曹爲猾胥窟穴銓法不清竭力澄汰爲同  
事所忌出爲廣東叅政治尚簡易蠲魚稅均蛋差清歲  
輸恤疑獄時申嚴闔船下廣之禁漳人陳子實犯當辟  
議生之不得乃分別首從以監斃者抵罪餘皆論配全  
活五十餘命有將曾領餉金千餘未散被竊匿贓某世  
冑家廉得其狀治之將曾獲免兩臺交薦會修却者乘  
計典斐菲調四川按察司副使駐臨邛邛有瀘江水行  
四十里至秦梁二灣地益洿汎急如飛夏秋漲決田爲  
魚梁國炳歎曰險絕如呂梁尚筴而障之障此易矣捐

金伐竹令管卒磊石爲坎壘土爲埤不兩月而成功益  
州始多沃野土官馬應麟歿無嗣其弟應龍欲襲兄職  
妻曹氏繼良據印收稅糾部落與龍爲難詔下議國炳  
遣諭利害繼良懼印送入國炳曰應龍桀驁不得襲准  
其子代襲繼良既納印歸順當多給銀穀以贍餘生詔  
從之是時新建兩宮下令採木以川木之堅多出建昌  
而建昌雖隸蜀半屬滇境遠渡瀘水山峻江險採運甚  
難炳曰部民只取辦川木何必建昌會人賀力陳其狀  
御史况公上疏亦有進表官蔡某可問之語奏入悉如

議歸途聞父訃悲號絕地服闋念母年屆九旬孺慕終  
身決意不復出宦中祿入俱輸父居積漸收倍息與弟  
均分而身受猶族戚交遊有告急者輒周之分金給粟  
歲以爲常身雖華貴而謙恭淡素不異儒生童時有星  
屨生入學舍衆箕踞遇之國炳獨攝衣延坐詢以祿命  
生意不于其年語又踣涕同舍生爭欲執其手炳揖送  
無許容生愧謝曰公方寸海納貴壽難量非命所能限  
也其德容蓋自少已定矣

通志彙  
景雲集

郭維賢字杏卿初號希所晚更愚菴晉江人隆慶庚午舉

人萬歷甲戌

進士授清江知縣砥節愛民邑郵傳多逋竄爲

酌定驛規申緩夏秋稅期民得喘息俗好訟嚴令禁止  
禁輒生圍賴徵稅糧包攬五載吏民懷畏以治行徵清  
江大不能留祠祀之入選授南京河南道御史始至屬  
有掣鹽之役故事掣鹽御史多則坐以夾帶少則坐以  
私賣藉取贖緩不貲十一濟邊餘充私橐惟賢疏言戶  
部職錢穀御史職糾察各有司存工部龍江廠竹木主  
事一人掌之御史第監督而已請亦令主事掣鹽而御  
史按季監督如工部龍江竹木例許之而惟賢益以廉

開張居正柄國言事諸臣多得罪居正死得罪諸臣未復會皇太子生下恩詔中外惟賢言今恩詔雖下而建言諸臣如翰林編修吳中行檢討趙用賢刑部員外艾穆主事沈思孝刑部辦事進士鄒元標及御史傅應禎朱鴻模給事中余懋學諸臣多在戍籍乞行赦宥是時張鯉死與張比者大璫馮保尚在疏入謫江山丞逾月保敗召復舊官行經三吳見水患上疏請蠲其賦劾左都御史陳爌逢迎故相妄論御史趙應元爌罷去復薦海內耆碩之士如故禮部侍郎王錫爵光祿卿賈三近

徐龍太常少卿何源巡撫孫丕揚耿定向曾同亨尚寶卿汪文輝吏部郎中王鑑廣東按察使胡直副使蔡國珍劉應峯叅議詹仰庇等皆先後起用輿論稱快先是故相行督責術令六曹考成於政府故戶部錢穀出入俱送閣查驗惟賢謂漢相不答錢穀奈何祝而庖代令宰相失體有司奉行太過致海內虛耗乎疏止之頃之刑部主事董基以諫止內庭操練被旨降調惟賢謂萬乘不宜逼凶器請罷內操而召言者且請帝復午朝召對諸大臣商時政疏入帝怒念初見召復調南大理評



事給事中阮子孝御史潘維岳等交章救帝怒奪俸有  
差惟賢旋遷南戶部陝西司主事倉糧出納塵勞眯目  
辰入酉出簸揚槩量躬自督之軍士得美粲歡然曰郭  
公飽我晉南吏部稽勳郎申改考功丁亥歲當計典是  
時南冢宰爲李肅敏世達南都御史爲海忠介瑞惟賢  
言於二公請絕請託斥巨奸屏私暱計成中外咸服改  
丞尚寶值萬壽聖節尚璽殿中拾級聚足不失尺寸帝  
垂注久之隨晉南通政司叅議應天府丞旋改順天兩  
貳京兆職在核士中飭科條得人爲盛尋視府尹篆數

月當巡職之期幣帛筐篚馳騫都城一切拒絕之權貴  
斂跡旱魃爲虐帝屢遣中官偵京兆所爲惟賢方齋沐  
步禱甘澍旋應帝聞大悅南北臺省交薦惟賢可大用  
廷推右僉都御史巡撫湖廣楚宋濯輪二京賦一輸二  
民告浩費至則定三楚賦役全書以省加徵私派之弊  
荆府奏補逋祿數幾二萬請以太和山香稅給之其餘  
以佐軍興民得免派又言長沙寶慶衡州三衛移戍武  
岡寶慶永州寧遠諸衛遠戍廣西柳州瘴癘死無數諸  
分三衛之戍武岡者更迭輪戍其戍廣西者撤之悉報

可自是軍士之疲苦以蘇楚故有景王國景王者肅宗  
愛于其分封之日所予湖陂土田房屋之類異等諸王  
景絕國除賦額在也其時類爲奸民投獻妄張虛名及  
帝弟潞王之國悉以景賦予潞潞必得景額以聞帝鑄  
司道府縣官俸責巡撫報聞甚急惟賢爲通融處置稍  
增賦二萬五千餘金請但徵之有司送至潞府潞府無  
得遣人來徵以致騷擾又會典皇莊勦賊官莊遇災蠲  
減如民田今襄漢水溢王佃民流亡過半請蠲如例黃  
梅故無城括所節餉金及公羨得二萬餘請於朝建石

域以資保障復言治楚四事一重辰沅兵備之官二專  
土司束會之職三禁官兵之私贖四議給餉之次第楚  
西南地隣苗五溪五寨之間出沒爲梗掠我民生口利  
其贖回獲金帛官兵幸無他亂亦匿不以聞有貧不能  
贖官斂餉以佐者故惟賢疏言獨切謂無滋異類之橫  
損國威之重承天守備中官孫政以徵興邸舊賦叅奏  
潛江令珩及諸佃戶下撫按勾捕就中官按問惟賢言  
臣撫楚無事不當問今中官問而臣爲勾捕爲明憲所  
未有帝直其言而止江夏令傑以庶宗淫賭笞之羣宗

大灑惟賢開譬之上疏得薄罰令而申明宗約無犯有  
司楚宗貼然中貴人貢茶鮮濫索夫役鍾祥令執不與  
奏奪職惟賢疏救之襄世子幼不能治事其叔郡王納  
幣請攝惟賢曰巡撫豈以藩國事爲市下藩司議從其  
請而卻其幣城步苗雷晟聰因邑令丈地起鬻噪而從  
之其黨匿令得免雷遷怒夜攻之殺數十人縣以叛告  
惟賢計縛成聰杖徇境上使屠牛饗衆計所殺傷償以  
牛畜諸苗權服邊境以寧其最切教化者則請祀周元  
公父於啓聖祠刻元公及二程之文爲三儒集屬大夫

蕭葛武侯岳武穆之文爲三忠集以風示楚人召入爲  
左僉都御史協理院事疏言行取不宜久停言官不宜  
久繫臺官不宜久缺又言天下多故自大僚至監司有  
缺不補政日廢弛且建言獲譴者不下百餘人効忠者  
登承棄不納秩滿晉左副都御史協理如故時儲位常  
虛嘉禮未行又中於礦稅之利宦官爭剝民進奉益棘  
薄諸臣惟賢屢條上大禮大政用人理財諸疏俱不報  
戊戌己亥兩預計典佐臺長佑善黜奸無所嫌避御史  
臺員缺久無行取攝左臺者請令御史按郡國改差得

互自更代無入京惟賢謂御史回道考覈祖制也安得  
廢之持不署名議遂寢丁內艱服闋召起爲戶部左侍  
郎甫聞命遂卒年六十贈右都御史賜祭葬予子夢詹  
蔭惟賢直亮敢言卓有建豎而年壽弗稱朝野惜之所  
著二臺諫草葉向高爲之序三儒三忠集楚中傳播天

啓初謚恭定次子光詹

舊志叅明史西江志闕書  
景壁集李鹿巢文集

黃道瞻字汝臨晉江人萬歷癸酉甲戌聯第進士授遂昌  
令廉貞英毅斷獄明決黠胥無懾歲飢多盜歎曰民視  
死盜與死飢等不飢卽無盜申當事請賑不許徑賑之

秋大熟民牛車擔負立實所賑倉捕兇盜康其實立殲  
之萑苻屏跡時行阡陌問疾苦兩造至庭折之以理各  
輸服課諸生評隲詳敏識拔得人甫逾年以繼母憂歸  
士民立石志愛三十年後復建祠河東橋頭祀之服除  
補宜興貴人大猾招亡命爲奸急則入湖緩則橫剽爲  
畫策誅其魁而散其黨奉詔均田親歷泥濘弛歲會權  
緡河費無算召入爲兵科給事中疏薦舊臣孫丕揚曾  
同亨李世達邵光先耿定向屠羲英何源詹仰庇八人  
可大用劾南北兩大司馬及大帥不法宜罷去者又以



戚繼光宜用之北邊不宜處東粵散地忤旨謫丞丞豐  
歲餘還河閒府推官尋遷刑部主事會臨江民李臣等  
爲故守錢某訟冤狀帝怒有旨令遣戍臨安守錢某繫  
獄久帝惡其酷暴特旨擬重辟者也時論亦頗憐之道  
瞻因疏言李臣等宜從蠲宥復忤旨謫淮安運判視篆  
數月盡革例金以父病辭歸道瞻不家於官兩宰劇邑  
一登顯秩遷謫亦膏腴地皆戛然不染宜與志載其昭  
一故人以其寢榻寢之自臥別榻無繡帳蚊疇磨數夕  
拍搔與故人語達旦兵未居貧其鄉里有司事時亦

一入官邸則介特如初操屢蹶屢起盛有時名卽家

遷兵部主事尋進吏部至官兩月餘卒

舊志黎岡書  
處州府志

歐濟字君禹號夢溪晉江人爲諸生卽耽書史教授旁邑

主人多藏書晝夜複涉學益富爲文蒼淵宏肆一時莫

匹萬歷癸酉大司馬泰和郭子章以建州司理與試事

廖蔡虛齋出其門旣得落卷大奇之首薦得解元丁丑

會魁會榜制舉之文出經入史大變衰備之習海內翕

然宗之授南刑部主事憂歸補工部主事寧官役先簿

正林甲貴不得緣爲奸利歸相居正疾九列爲祝釐以

講詞命濬濬不屬也癸未禮闈分校得士多名人會元  
李公廷機其最著者尋改禮部擢浙江督學僉事單車  
入館不假手于人天姿敏悟一目數行下每卷必閱竟  
或重閱然後定甲乙四年三試字比句校評品精詳其  
所賞拔剗破常調三試糊名大較不遠諸請謁者謝絕  
書無所聽則謠誅以爲第沿成案及累科賓興十九出  
所鑑賞始敷服以爲公明遷陝西參議分守商洛道捐  
俸葺庠與士談經講藝嘗單騎行村落問民疾苦父老  
進斗酒圍蔬酌而贈之若親父兄秦苦役白雨臺行

鞭法有礦盜數百列柵旅拒移檄諭之皆解去遷廣西  
副使備兵蒼梧尋遷叅政領桂平道政尚簡易興文化  
俗御算繕八百餘兩冰槩凜然岑溪峒徭反側起廢將  
陳遴以吳廣爲先鋒躬自督戰討平之修粵西志人稱  
信史未幾以疾乞休遷貴州按察使不赴當道強之答  
曰用世如虛舟存而不繫過而不留不以天下爲己有  
出世如游魚遊乎江湖忘乎江湖不以己爲天下有竟  
不出濬不設道學之名而深造有得居家以孝弟爲宗  
當官以義爲防廉不買聲介不絕俗仕無擇官官無闕

捷性好登臨遇佳山水引觴輒醉醉輒浩歌超曠洞達  
如置身霄漢上居官無所取受嘗自營生壙有執祖父  
墳爭者遽讓之有與子爭海蕩地者命與之環堵湫隘  
未嘗一葺治疾革但命以故衣爲斂其著述有易經兒  
說四書兒說韋編微言解醒

三餘集漫吟集

生生篇雞鳴偶記若酒經得得篇則其曠志娛心之交  
也嘗撫國朝名臣佚賢遺跡欲爲表傳行之未就而卒  
郡人士請特祠與蘇文莊陳紫峯二先生祠並列

舊志  
卷四

書景壁集  
浙江通志

黃克纘字紹夫號鍾梅晉江人萬曆丙子舉人庚辰進士  
除壽州知州愛民禮士不避權要常語察佐曰受職自  
有定分名節千古不磨申請編派等則名曰一條編百  
世賴之擢刑部員外郎出爲贛州守歲祿議發賑司存  
以國庾難之克纘曰積穀以待乏也不發何待復鳩工  
修學宮以廩中餘粟給役者民皆競赴鑿池累橋不期  
月訖功一舉兩得累官山東左布政使二十九年就遷  
右副都御史巡撫其地是時礦稅病民詔已停復寢克  
纘抗疏極諫日本之陷朝鮮也山東守臣議增兵令六

郡民輸餉至四十五萬有奇及兵罷餉減猶歲徵二十  
六萬民不能堪克纘奏請罷之濟寧金鄉沿河十五州  
縣災克纘請折漕粟石五錢民大稱便河決蘇家莊全  
河北徙濟寧及魚臺單二縣沒民田無算歲賦十萬無  
所出克纘曲爲計畫別以他財賦補之公私並濟稅使  
陳增貪虐其爪牙殺人劫財污婦女克纘極陳其罪臨  
清稅使馬堂歲徵課十六萬而進奉內廷不及其半克  
纘請盡徵乾沒者用佐河工已因旱災請免額外稅銀  
十萬疏多不報是時歲比不登稅使又所在朘削克纘

力爲調劑與民裁濶狹蠲煩苛惠政甚著屢以平盜功  
加至兵部尚書四十年詔以故官叅贊南京機務時朋  
黨角立爲御史李若星魏雲中所劾克纘遂還家候命  
居三年始履任四十四年冬隆德殿災上疏曰自乾清  
宮災而宸居非舊皇極殿災而視朝無所陛下宜深加  
省咎痛自刻責乃稅使四出盡括天下金錢歸內帑百  
姓賣妻鬻子以償者幾二十年欲俟大工成而後罷當  
以何時採木運木一木費二三千金一入京師任其朽  
腐或致中竊天下庫藏民間膏血豈能供此役也而關



陝吳越津潞閒皆有織使斂絲民間凡陌上有絲機中  
有婦無獲免者此物積之深宮猶塵土取之小民如血  
肉曷若減免之以蘇民力哉至九邊士卒枵腹乘陣月  
糧逋負動至數百萬邊臣告急疏才餘至始出聖母所  
積二十萬金其餘仍責之大農不知大農之匱也自金  
花銀增至二十萬而太倉之積罄矣今獨不可以取之  
戶部者還爲戶部用耶親王婚禮珍寶數十萬金強半  
爲製造者乾沒以天性至親資中涓以牟利何計之不  
審也委任輔臣貴實用其言毋務以虛詞糜之優禮大

臣宜深加體恤何苦以兼官勞之逐臣去國不聞賜環之期循吏畱都杳無拜官之日忠於社稷者辱之以繫獄勞於封疆者罪之以快讐章疏半閣臺省幾空天意安得不震怒災變安得不頻仍哉異時三輔近地至父食其子妻食其夫此足以示警矣而其相殺相食之狀陛下未及見也中州淮甸飛蝗蔽天至於田無遺粟野無青草此足以示警矣而其殘物害民之狀陛下未及視也惟宮殿肘腋之近夜半火光燭天使陛下見之心驚胆悸顧旬日以來未見發號行軍有以大慰民心者

祖宗二百餘年鞏固之家室而輕視之曾不如數百萬  
金錢可愛亦甚失輕重矣願陛下大悔前愆一更舊轍  
收羅人材以濟時艱罷稅停織與民休息大渙居積以  
安邊疆修儲教行婚禮以燕翼子孫下章疏聽人言以  
宣暢人情庶幾人心悅天意得而災變可弭也不報四  
十七年召理經營戎政改刑部尚書受神宗顧命有安  
邦固本大臣之褒復受光宗顧命李選侍將移宮其內  
待王承福姚進忠等八人坐盜乾清宮珠寶下吏克纘  
擬一人辟餘俱未減帝不從命辟六人餘遣戍克纘

臣法官也以法辟人必使罪皆麗法而後可今姜昇鄭  
隱山劉尚禮不持一物劉遜拾地上珠還之選侍而與  
永福進忠同戮輕重失倫若曰選侍事聖母不恭遇陛  
下失體其下人不可輕恕則願陛下爲先帝優容蓋父  
母之恩猶天地履后土則思母德戴皇天則思父恩仁  
人孝子之用心固當如是况先帝命封選侍爲忠妃其  
篋中之物安知非先朝所賜以是而重下人之罪恐先  
帝之靈必有愀然不樂者臣故願陛下深思之也當左  
時諸瑄罪重謀脫無自計惟請帝厚待選侍則獄情自

緩於是流言四布謂帝薄待先朝妃嬪卽克纘首入其  
言疏上帝不悅責克纘偏聽命如前旨已楊漣陳移宮  
首末帝卽宣諭廷臣備述選侍凌虐聖母狀且曰大小  
臣工惟私李黨責備朕躬克纘皇恐上言禮父母並尊  
事有出於念母之誠跡或涉於彰父之過必委曲周全  
渾然無迹斯爲大孝若謂黨庇李氏責備聖躬臣萬死  
不敢出帝報曰今內外本無事因盜犯而多事卿非黨  
李氏之人但逞詞偏執不顧君父者信有之於是御史  
焦源博力駁其持論之謬未言羣賢持質百萬借安

侍爲名妄希脫罪克纘墮其術而不覺克纘奏辯因乞  
罷畧言源溥謂在神宗時爲元子者爲忠爲福藩者非  
忠臣敢廣之曰神宗旣保護先帝授以大位則爲神考  
而全其貴妃富貴其愛子尤忠之大也又謂在先帝時  
爲二后者爲忠爲選侍者非忠臣亦廣之曰聖母旣正  
名定位則光昭刑于之令德勿虛傳宮幃之忿爭尤忠  
之大也若如源溥言必先帝不得正其始聖母不得正  
其終方可議斯獄耳疏入帝怒甚責以輕肆無忌不諳  
忠孝克纘皇恐引罪內閣劉一燾等亦代爲言乃已無

何給事中董承業孫杰毛士龍御史潘雲翼楊景期南  
京御史王允成並劾克纘是非舛謬克纘不服言曩不  
舉李三才故爲諸人所惡源溥復劾克纘借三才以傾  
言官克纘奏辯再乞休帝不問天啓元年冬加太子太  
保明年復以兵部尚書協理戎政廷臣追議李可灼進  
紅丸事孫慎行鄒元標等斥方從哲弒逆克纘力爲辨  
云先帝不豫有急備梓宮之言若以大逆加從哲則顧  
命諸臣皆在均有責焉韓爌張問達亦具陳始末爰書  
乃定給事中薛文周詆其滅倫常昵私交昧大義克纘

憤援春秋不書隱公閔公之弑力詆文周且言選侍無  
殿聖母事給事中沈維炳助文周復劾克纘先是帝宣  
諭百官明言選侍毆崩聖母及是惟炳疏上得旨選侍  
向有觸忤朕一時傳諭不無過激追念皇考豈能忽然  
於是外議紛紜咸指前此上諭悉出王安矯託而諸請  
安選侍者益得藉爲詞蓋是時王安已死魏忠賢竊柄  
故前後諭旨牴牾如此克纘歷官中外清疆有執持議  
與爭三案者異攻擊紛起自是羣小排東林創要典率  
推克纘爲首功時東林方盛克纘雅不與合其年秋屢



疏移疾詔加太子太傅乘傳歸四年十二月魏忠賢盡逐東林名克纘爲工部尚書視事數月值興工建殿裁魏璫紫階石費二十萬璫又取南巖舊殿廢銅克纘曰留都定鼎之所誰敢萌不臣之心遷其重器者聲息俱厲魏璫益怒遂引疾歸三殿成加太子太師不受崇禎元年起南京吏部尚書不就復總管存問卒於家年八十六諡襄惠克纘十餘歲時遇幸西倭亂慷慨對賊請代兄死賊奇而釋之徐跳而歸其具而請以全二親其至性過人其才亦可見已子道敬戶部員外嘗捐地一百

六十餘丈築岸以蓄洩海潮道爵刑部郎中嘗劾巡撫  
熊文燦弁將趙庭貪懦狀克纘所著有  
杞憂疏

稿

性理集解春秋輯要諸書行於世道爵著

有麗陽亭詩集

明史叅通志王氏志道撰誌西江  
志贛州府志壽州志山東通志

洪有復字懋純號心菴南安人徙晉江嘉靖辛酉舉人萬  
歷庚辰進士初銓武陵知縣時方清丈豪與胥爲奸利  
又江陵張居正秉國楚人席氣欲多以意作使縣官暴  
橫邑里有復悉心勞來清訟省刑巡行勾稽度土任稅  
賦既稱平卽調處積通洗剔陋規保障拊循以身爲率

諸席氣餒者三尺裁之無所撓暇進諸生講解經文揚  
摧古今春勸相田野耕夫饁婦咸歇孔邇時席餒者議  
徒有復他去會相敗反以得聲擢工科給事中前後數  
十疏蹇蹇諤諤偵謀滅織造劾滇南督撫又請視京  
營以酌兌馬實精練歸占役簡材官卹士伍皆裨時政  
中貴人殺人不法疏論抵罪中貴人走匿至偕其黨環  
神宗泣有旨屬刑部有復再疏論竟抵罪戊子典試貴  
州取士得人歷禮科左給事中進士薛敷教疏論大申  
丞不法詞連冢宰部院領之授有復意合彈薛有復曰



左播苗事殷殫力劬勦徵發輓芻無乏絕賜餼有加而  
是時礦稅不逞吸骨鏤脂湘澤震動同官馮應京及郡  
邑觸稅璫相繼被逮繫有復悉力調停仍申浙中稅歸  
有司之議爲民請命竟得請自是天下各省直俱晏然  
受賜罷無藝征役調諸藩祿米裁監賦加稅剔索劑平  
國用充而民生裕卒于官肇慶及羅定俱祀名宦族弟  
有助姪啓聰從姪啓采

閩書參揚商  
澹栖霞集

李懋檣字克蒼號心湖安溪人森六世孫萬歷丙子舉人

庚辰進士初授六安知州於政若素習洞中統會賦役

淆亂舊分上中下三等有家已消落而仍納上戶者檢  
手爲程量均攤其額定爲一則民困以甦州人便之永  
以爲法設社倉令民輸餘粟擇里中富而有行誼者主  
之視豐歉爲收放又置義田二區積歲入以贍貧民拊  
流移訟者令自致其敵隨至隨訊各輸服去陞刑部員  
外抗言大司寇讞獄不允者三一則中官與兵馬司詔  
獄失出一則臨江守錢若賡罪逮父老詣闕訟寃年皆  
近百並謫口外一則閩撫勞堪希江陵相意窘死侍郎  
洪朝選獄中司寇舒公敏容謝之竟引疾去十四年以

早求言懋檜及他部郎劉復初等爭言皇貴妃及恭妃  
冊封事章一日並上帝怒欲加重譴言者猶不止閣臣  
請詔諸曹建言止及所司且不得專達以慰解帝意數  
日帝亦霽威諸疏皆留中而懋檜疏陳九事曰保聖躬  
安宮闈節內供御近習開言路議蠲賑慎刑罰重舉刺  
制限田人謂有陸賈風至讀宮闈近習二事則縮頸噤  
舌謂賈陸所不敢道會給事中邵庶論誠意伯劉世延  
條陳波及建言諸臣懋檜言我國家之制凡諸司百執  
事皆許直言無隱祖宗之意蓋將以明目達聰照臨萬

國慮至深遠諸人言可用則用之不可用則置之諸人無得以言博名高廟堂亦無務以法令箝天下口不謂給事中邵庶因劉世延之條陳而波及于言者欲求聖諭堂上官禁止司屬毋得出位妄言一時士類莫不扼腕嗾歎夫世延之言誠爲無當且朝奏疏而夕乞恩亦足羞者陛下猶念及元勳苗裔而容納之且不欲以一世延阻言路該科謂宜矜其愚畧其短不則看詳章奏就事叅駁誰曰不可何乃因噎廢食乘機排擠至并他衙門而兼禁之夫防人之口甚於防川今天下民窮財



盡所在飢饉山陝雲南等處百姓流離僵尸載道疾苦  
危急之狀蓋有鄭俠所不能圖者陛下不得聞且見也  
邇者雷擊朝日壇星墮如斗天變示儆于上加之風俗  
薄惡士庶驕橫輦轂之下子殺父僕殺主旬日決罪囚  
者以數計人情乖離于下庶以爲海內盡無可言羣臣  
可遂依違澗忍默默固位已乎夫在廷之臣其爲言官  
者十之二三而不爲言官者十之六七言官不必皆智  
而不爲言官者不必皆愚也無論往事卽如近年馮保  
張居正交誼內政其連章保薦頌功詡德如科臣陳三

漢臺臣曾士楚者比比而是乃請劍折檻杖謫以去者  
非庶僚則新進書生也果皆出于言官乎果從庶言有  
如言官持祿養交巽慙觀望當言不言矣其他庶職又  
必以言爲禁天下幸然無事也則可脫有不虞之變皇  
上又何從而聞乎庶復求聖諭堂上官禁止司屬爲計  
之得此又歷代以來所未有而我朝律令所不載也臣  
刑官也律令其職掌伏覩大明律一款凡國家政令得  
失軍民利害並從五軍都督府六部官面奏區處又一  
款若百工技藝之人應有可言之事亦許直至御前奏

聞各衙門但有阻當者鞫問明白擬斬大明律會典及  
皇祖臥碑亦屢言之不置夫百工技藝之人有言尚不  
敢阻况諸司百執事乎儻爲堂官諄諄然以此禁諭所  
屬所屬亦且不服我朝興賢使能欲其願忠而未嘗欲  
其不忠堂官以身率屬教其報主而不敢教其負主此  
古今通誼也庶言一出遠近猥以庶爲口實將使志士  
解體善言日壅主上不得聞其過羣下無所獻其忠禍  
天下必自庶始矣以皇上必欲重百官越職之禁不若  
嚴言官失職之罰伏乞天語特諭邵庶免究外以後但

有越職妄言及當言不言者坐以負君誤國之罪輒則  
記過重則褫官勅下吏部凡遇年例陞遷科道之期一  
眎其章疏有無多寡事體大小難易以爲殿最而皇上  
又燭觀而坐照之則言官無不直言庶官無事可言出  
位之禁可省太平之效自臻矣帝責其狂瀆沽名降一  
級調用次日同官劉志選申救帝怒益甚並鐫秩調外  
任吏部題降開州同知庶偕同列胡時麟梅國樓郭廟  
忠復交章論劾奉旨着推遠方再降湖廣按察司添註  
經歷至謫所聞邊警復郵奏安攘大計薦趙南星文武

才舉朱先郭成黎國耀等爲大將疏再上不報久之移  
南通政司經歷遷禮部主事丁外艱歸服除赴補牘數  
上不獲命旅食三年不知已疏名御屏錮不用矣及告  
歸家居二十載丙辰冬卽家起南兵部主事神宗蓋廉  
其忠且大用之乞差歸省道轉員外尋丁內艱天啓初  
召除禮部郎中尋晉光祿少卿轉太僕寺少卿天啓四  
年擢太常寺卿而懋檜已卒年七十一懋檜廓落無町  
畦所交遊者鄒南臯姜鳳阿顧錫山許東陽等其取士  
則李長庚魏說陳所蘊李若愚何慶元宋之禎皆台輔

名卿其直言敢諫則安邑自詹仰庇以後所僅見者也

閩書參明史江南通志  
雲臺藏藁安溪縣志

泉州府志卷之四十三終